

鐵

橋

漫

稿

鐵橋漫稿七

文類五

四錄堂類集

身程嚴可均景文譔

陳燦若傳

陳肇英字燦若初名煥身程之舊館人父繁字敬心有隱德燦若弱冠爲歸安學生萬厯戊午舉人崇禎辛未進士除應天教授遷國子博士歷兵部主事南職方郎中出知撫州府搏擊豪強無所避擢按察使僉事備兵九江當左帥失機游兵莫制燦若申嚴禁令無敢譁于境上者流賊內偏明社將墟泣然曰事竟至此乃自號止宐甲申正月乞終養歸未幾國變而左帥移駐九江矣江右祀名宦著有韵府披寶南樞奏議齋治堂集俱未鏤版今亡

嚴可均曰余家距舊館五里公之孫女余外王母也幼時屢從往齋治堂見破書堆有李長吉集是余族巖幹子手批者乞得之後卅年子姓播遷零落而第宅屬他人矣君子之澤五世而斬爲之太息

嚴廣輿傳

嚴御風字廣輿號冷然初名有容歸安人祖軒貢生延慶衛教授父自省萬歷壬午舉人中書舍人廣輿博涉羣書通達時務崇禎初舉賢良除溧陽丞以卓異第一遷池州判歷福州同知汀州漳州知府所至百廢具舉擢按察使僉事備兵江右丁憂歸鼎革後徵不出順治六年卒年六十五廣輿世居雙林雙林之嚴與石冢同源石冢我鳳林分派也廣輿明季循吏其舉主

卽石豕豕如副使豕如與廣興故兄弟行內舉不避親亦猶行
古之道焉豕如子三求稱廣興古文雄高自恣今隻字不傳亡
有容蓋得擗眉面有東塔寺朱買臣墓詩二首末題萬歷癸卯嚴
侶騏驎短長才寺偈碑仍窄墳傾土大培紛紛游冶女爭上漢
臣臺又云嚴助同佳傳縑流守豕人猶憐禾地艸曾帶會稽春
石冷行吟蕩花般去婦塵自從成雁塔不復臥騏驎
騏驎詩有風致可入湖州詩錄再續故附記于此

朱致一傳

朱用純字致一號柏廬崑山人居通閬橋東父集璜字以發崇
禎貢生鼎革時助王佐才守城城潰投夷福寺後河外乾隆丙
申入忠義祠用純性端方不苟言笑崇禎末蘇州府學生痛父
外國難隱居教授以養母弟子著錄者數百人康熙己未舉詞
科不就賦朱布衣詩以見志卒年七十二私謚孝定著有困衡

錄萬七千言儒家者流異乎道學家語錄其最傳者治家格言
江淮以南皆縣之壁稱朱子家訓蓋尊之若考亭焉

全紹衣傳

全祖望字紹衣號謝山小字阿補鄞人年十四補諸生始謁學
宮至名宦鄉賢祠見謝太僕三賓張提督杰木主曰此反覆賣
主賊捶之不碎投頻池雍正七年充選貢入都上書禮部侍郎
方苞論喪禮或問侍郎異之由是聲稱藉甚十年舉進士不第
工部侍郎李紱見其行卷曰淡寧東發後一人也十二年

詔開鴻博大科膺薦者二百餘人集都下祖望譽最高徐相國
屢招致之不往遂淡嫉之乾隆元年成進士改庶吉士十月大

科

朝試相國以祖望故特奏凡經保薦而已成進士入詞林者不
必再與鴻博之試祖望負氣爲五六天地之中合賦擬進卷二
首挾漢志唐志之微出與試諸人右當事者益族之明年散館
列下等外補祖望性伉直不能容物先嘗患齒痛妻張因事相
規笑曰此雌黃人物之報也卒不改至於放黜既南歸丁外內
艱服除不復謁選性好聚書弱冠時登范氏天一閣謝氏天賜
閣陳氏雲在樓遇希有之本輒借鈔入都鈔書不輟坐是困乏
以行篋書二萬卷質於黃監倉然猶就永樂大典取所欲見而
不可得者分例爲五一經二史三志乘四氏族五文集簽鈔之
及放歸重登天一閣借鈔不輟家益貧饔飧或不給冬衣衾衣
唯韓江馬氏稍賙濟之主講葭山書院不數月與紹守不協固

辭歸後主講端溪書院年餘以病歸乾隆二十年卒年五十一
子昭德年十三先五月卒議立後而本支無其人乃立疏族孫
孫桐爲孫盡邇所藏書萬餘卷於盧姓得白金二百爲喪葬費
孫桐纔七歲後亦不達祖望經學史學詩文雅擅衆長生平服
膺黃宗羲宗羲著述甚多其最傳者南雷文定于殘明碧血刻
意表章祖望踵南雷之後亦刻意表章詳盡而核實可當續史
其七校水經注半在趙一清本中困學紀聞三箋嘉慶初屠繼
序得本梓于廣再梓于浙學政阮芸臺得經史問答史夢蛟得
手定本鮎埼亭集並梓于浙外集詩集亦漸次梓行余觀古今
宿學有文章者未必本經術通經術者未必具史裁服鄭之與
遷固各自溝澮步趨其一足千古矣祖望殆兼之致難得也當

事者不善護持至使終身放廢人既阨之天亦阨之然而不死著述久必發揚仕不公卿何關輕重自祖望歿後至今五十餘年其遺書出而盛行知不知皆奉爲浙學之冠故爲之傳俟史臣之述文苑者采焉

沈杞望傳

沈祖惠字杞望號虹舟烏程之馬要人明工部侍郎節甫來孫父在莪贅吳江平望李氏祖惠生浹月而母李卒育于外王父母仍爲外氏贅壻外氏無嗣因冒李姓年十九爲嘉興縣學生尋食餼雍正己酉拔貢乾隆壬申春領解第一其秋會試第二歸班改復沈姓除江西高安縣知縣充己卯同考官卒年六十八祖惠殫精帙括弱冠有聲屢困場屋年卅四游陝甘學政幕

中始銳意詞章爲西征賦兩年乃成其序曰函夏都會十有七
而秦地半天下漢唐建鼎全盛文學充於有位誇宅京之瀛厓
競人神之瓊富揚光飛文鏗鏘百代矣折以夏周文字至簡要
而雍州所轄山則西傾朱圉鳥鼠太華終南惇物三危合勑熊
耳岷嶓岍岐蒨而鎮吳嶽水則漆沮澧沔涇渭河洛江漢黑弱
而澤潞弦蒲所謂包地絡陰陽挈神州綱領蓋其被六合成帝
畿天下有變長驅蒨豫天下無事鞭策戎羌秦并六國制東面
之權也周逐獫狁漢擊匈奴隋唐致呼韓突厥後病吐蕃回紇
憂在三邊也呂余所見詎待天山瀚海卽階文臨輦榆關之間
雜虜出入好人而怒獸蜂屯蟻聚至不可爬梳則欲毛舉大概
呂揚摧漢京鋪陳邊塞情繁理富靡所置喙僕東鄙人也所見

不過婁松茗霽煙蓂雨笠時相往還嘗一驅馳涿鹿仰睇

神京歸裝敦迫金臺燕市之旁謠詠僅矣頃隨使節周歷全秦

時交河王侍郎蘭生師督學雍涼邀助閭卷

兩年已來東盡商洛南達漢中北抵上

郡西薄燉煌縱橫萬有餘里所至得攷其圖籍山經地志神書

怪牒起邃皇幽昧逮歷代將相侯王人物網羅印證頗廣見聞

顧鋪敘則事涉於鈔胥剖析亦技窮於隸首惟是東西郡邑交

會之往來跋山踰河鞍馬行理之委頓與所歷邊方險塞碁置

星羅蠻女羌童形詭音別及夫艸木荂落風雲變態春秋兩易

牽於情思實多昔張左十年作賦屏人事而塵得之故迹覽賅

間洪纖畢舉僕才謝雕蟲構思促急略仿潘岳西征竊倣詩人

誌行役之義非所親覲不以撫羅其陳蹟鬱湮而滄桑寥廓感

今古之茫茫爲臨風而凭弔也其辭曰粵維癸丑孟春正月初
吉營室纏辰太簇中律土脈始和寒風餘栗乍椒槃曰頌花促
斑衣之離膝師命有程浩焉西征將翦井鬼之分野控羅梁曰
帶縈起東海而略虞淵薄蜀庸而窮朔漠暘昧幽明所歷孔博
際

聖清之一統橫宇宙曰覽廓丹陽水會句曲行彭橋聯姊妹城
枕鳳皇環鍾山之巖巖開白門之堂堂尋莫愁之冶麗入建康
曰高驪明祖作都樹國再世乃輟而弗康然猶肅留守者三百
禩薦孝陵者十五王與燕都而對峙棋宇內之金湯凌中流兮
發櫂汎大江兮揚舲雲日沃盥天水空青參差山郭隱約津亭
迺陟危城登峭閣

登江浦城樓

銀濤指鐵甕曰鴻奔采石望江陵而

昨愕艦鵠齊飛檣舄遠掠疎林縶馳短轅言邁東葛過東葛城凌厲

中原漸蒼蒼而異色澹蕭颯之墟邨輕陰犍犢落日鷄豚則有

豐山清娟滁水潺湲夕陽好舄兮賓客闌小閣幽梅兮風流暎

醉翁亭有老梅相傳猛將鈴甲於東門守祧具禮於天慶天慶觀宋

為歐陽文忠手植衣冠藏藝祖清流嶄截首扼雄關關踞山頂三面壁削宋一夫當險

萬夫莫扳緬殿前之點檢此咤喏而拔山繁纓藻飾袍袖朱殷

渡珠龍橋攀磨盤山層岡疊嶂剗削巉岼已跨鳳而路闊尙環

滁已勢攢相先民於殷夏赫高皇之龍翔朱旗起淮右羣雄殄

八方致治齊乎唐宋發迹竝乎高光何燕王之靖難志剝喪乎

元良彼末葉之黨錮職詒謀之不臧南都淫樂終始興亡積皇

覺之古寺追豐沛於疇曩明祖受命已皇淮水湯湯隰原膺膺

覺寺為龍興寺

憑軾西蒙

蒙城縣

結紉城父

義門集春秋時楚太子建所居

桐毫交衢吳楚錯語

頭鹿邑

縣

入中州黃輿豁其膠鄆八極回乎寸眸

自陳至許四望坦平道多

列

太皞始居此地闕父封於有周秣馬乎魏都稅駕乎許濠武

安雄烈義動奸操古橋逶迤遺像飄蕭絢藻廡壁飛舞旌旄

計州

八里橋有關壯繆廟甚煥麗

歷新鄭觀郊鄆遠帶嵩邛近回瀍穀跨伊洛已

迎陽前澮洧而宅卜既溥既長連蜷結束無平不頗突兀軒矗

宏陽曰西無坦道

川原阨於號卽繚戾通乎韓趙絕岸嶽崎而剝缺隆

山敦宰而縣杳析城太行縈青未了朝發軔於永寧

縣

夕余駕

乎澠池

縣

偉英蘭之進缶不東瑟之偏嗤頸血欲灑白刃靡辭

威夷峻阪崢嶸古道輦轂縣接人馬饑疲磁鍾

地名

卽次曲設是

轅近高天已穴處外屋翼而鉏芸如冬蟄辭其羽侶蟻藩其軍

磁鍾

密房最著每依高陵爲之街衢循曲阿已鬱磐紛軫轉其偏窄

巷陌皆具種作牧放往來如蟻州當塞隄周召所

分東西是劃指懷義地名之荒屯慨曲沃之兆逆禍行椒聊君如

碁奕知天道之好還開三晉日分礫靈寶縣之墟桃林之驛國

繫亡虞城顏通號二字刻城門貪賂而賣厥鄰不臘而旤已迫姬欲

昌乎武胙疆大啟已戎索闡鄉縣重險函谷阻滙天路壁削地

道晝陰封一丸之泥斷六國之襟踦踞低仰已赴軌寵從岑岑

已噤音傍迫路之長驅終白日已無見元鼎故關宏農古縣漢元

鼎三年徙函谷關於新今闕戾園則湖地廔存鄉鱣堂則高陵已

變楊震書堂有遺址潼關城堞皆俄焉粉堞登霄戍樓迎暉依萬仞之山峯偃蹇已

支撐濤喧逐其奔箭在溪峽中萬峯屹霅然中斷乾旋坤轉壯

百二之宏圖闢潼關之四扇其關也建瓶韓魏括囊齊魯振舉

兩戒鎖鑰三輔十二連城禁溝門戶

守潼關者禁溝最爲要地古設十二連城於禁溝之

西由南郊曰抵山麓每三里一城聯絡呼應疾若風雨

自哥舒慟哭組練生虜羽騎填塹

橫尸膏土黃巢襲曰偏師闢逆登於再鼓

俱從禁坑陷關

失險由然明

鑒具古載遵廣路始蹈秦郊芻實扶疏艸木漸苞沃野于里都

會四交爾其華陰紛翠鉅嶽舒蓮抗仙掌曰高擢

東峯下仙掌形自縣望之

五指

分明眇玉女之孤孀

東峯左襟下爲玉女峯

削成四面直上五千其帝少

皦其祀金天伊姚紫望億祀裡虔增飾崇麗流蘇華旃青龍蚺

蟠舞鳳嬈媚纚屬輦道宛委楯軒斧展設虞業縣鯨鐘鼙鼓軒

宵殷闔闔碑漢代蚘樹周年

西嶽廟在華山右壯麗如岱廟北宋時有漢碑三其延熹八年碑前

明尚存今僅見舊拓本若六朝曰來石刻不計其數有古雨師樹撫之有古香俗稱青牛老樹方志云老子出關時手植

警蹕風伯施鞭揚蜺旌而曳雲旗駕玉剌而驂紫輶

殿壁畫嶽神出游風

輦法駕羽蓋霓旌之屬

飽癢興於終古悼山河之幾遷疇瓜剖而豆裂疇

虎踔而豕俱當鎬池驗山鬼之壁正蓬萊斷徐市之船傷夫貴

賤一丘賢愚同敝神醫之幽家長昏清河之英風久逝

華陀王猛二墓

俱在華陰古廟紀公紀

忠高裂眦爽長樂之酬勛無帶礪曰錫誓若

夫騰謝瓊鋪離荒艸薙白雲之靈壟而翠岑而起第

柳子鎮西為郭

汾陽蘭綺鑾儀笙歌女侍當垣井之摧積尚池塘之精麗繡綉

汾陽流連百世彼樊重與王根誰顧瞻而雪涕更有希夷橋畔

先生陸

子美谿西

杜謫華州司功題為小曲江者

斜陽芳樹春風馬蹏亭堠修

敕金碧招提距華而南遵渭之浹灋涇來同漆沮爰止眇觀天

吳噓縮八水爾其麥隴鋪茶東皋雉雉鄭白

二渠交流山川適美

望雨波春渠成雲破騰相淵華玉澈揚滯靈湫溫泉在驪山下屬臨潼有華

清宮遺址排霜吐旭去毒吞肱浴之療百疾樂動朝元之閣遺址在驪山頂花明

鞀鼓之樓荊原貨幣荊原即三原因縣名荊山故名流泉積土逢簷清宇豐貂

煖裘亦西都之近縣分五陵之貴游弔喪國之遺社觀九原於

咸陽咸陽郊外皆漢唐諸陵苔纏碧獸風慘白楊盜珠襦及玉匣任樵蘇

與牧羊悲侯王而將相竟螻蟻之同藏青燐衰艸淡春野棠撫

松楸之豐蔚獨蒼姬世德之縣長文武成康諸陵在郊西經降王之輶道

心懷古已恍惚秦兵銷已六王楚火縣已三月未冷焚書之坑

已災阿房之闕繡嶺明珠芳塵亦歇爾其驪山左峙終南右開

山互道新平縣逢馬嵬驛當夫霓裳舞散鼙鼓聲催延秋夜出

親犯塵灰奮六軍之咆勃追傾城已自裁含白傅之長恨竭西

崑之豔才若乃孟堅良史伏波宏傑雄旨腐而自豪聽笳鼓已

中熱瘳墓過而哀生素心仰而神結班固墓在武功縣西三十里馬援墓在扶風縣西十

里覽彼朝陽高岡岐野岐山縣西十里有鳳鳴岡瞻太白已入雲在鄒縣觀遺

亭於作者鳳翔府城東北有東坡喜雨亭涕泗拾遺流離戎馬戀行在已裴回

圻園陵之埽灑邈然開元誰歟傾厦騷屑北征憂傷變雅憑威

鳳兮荒臺城外有鳳女臺遺址問橐泉今故瓦兆後嗣之坑儒殉三良於

地下弔遺墓而果然淚潸潸其盈把穆公墓三良冢在今試院旁遡奉天今乾

州於建中唐德宗年號危鑾輿之逼寇奸隸孽臣亂本誰究雖舊太

尉之忠已辱天王之狩不顧衆已矢言知國是之益謬古翰坊陸宣公

草詔梁山州城西北五里礪礪勢薄蒼穹建石城已文錦豔離宮於祖

龍始皇建織錦城其上飛閣神行莫我能蹤望見李斯車騎即此爾其金鳬女主銀

賜唐宗乾陵在焉述聖德之照耀上有述聖碑象紫極之巍崇不朱

脣而日角革大命而熾豐爾迺自投相今同官縣已斜分徑彭衙今白

水縣已遠勝穿茅莖則瞢瞢其陰造幽險則濛濛欲雨崇岡嶺嶺

翠壁環彎劒厓人絕急礪流潺聽哭泉嶺名下有泉而盤夫承涕上

金鎖關名四面奇巖插天中通一線稀少人跡而壯士摧顏躡跡半天而目眩思鄉

一夜而頭頒橋山大觀中都城外二里黃帝橋陵在焉精靈會聚繼皇之三首

帝之五惟子姓之繩繩歷姚姒子姪更姓改物而同祖廟嶰竹

已蘇聲擒蚩尤而膏斧衣裳既叅陰陽攸序攀龍馭於鼎湖陵極

高有碑刻黃帝衣冠處希閭風於漢武陵前為漢武帝仙臺桂館飛廉金華玄圃極

立叢駢合抱千樹芝房蠶菌揚其梢玉膏流根成其琬享殿前柏可數

十抱前朝枝忽生蓮其痕猶在半外半生熊僵兕怒若夫絕壑澹已走霆繼徑

起而逞詭心戒別營目禁旁矢各魚貫而牽在聊銜足已安趾

倏輕身而突過暫寬心已發喜時轟轟兮地之底又班班兮雲

之際突觸石已輪摧如涉川而尾曳由中部達洛川路尤幽險亦復奔濤界

漲暴水賦湖浮川靡楫佩晉奚瓠鳩淵客已濡首卑方几而成

桴馳波跳沫亂點輕鳧時柳河暴漲早人只桌僅得渡摩圭山眺上郡今延安府衰

包山右而爲鄰中隔黃流已相間去警延安距晉省僅隔大河則有夙毘之

巖在府城外清涼之岡洞天福地露井銀牀寤諸天之殊相各尊嚴

而寶璫夙毘巖洞中鑿石佛不計其數竦朱峯已冠日颯巖突已迎霜極修路

之眇眇紛懷古而慨慷自從五季凌遲餘氛未盪經執皇之埽

除終武功之不暢吳越來同燕雲淪喪契丹策馬南馳西夏拔

營東向金縢竭於賂夸財賦糜於括餉身延兵氣林巒瀾漲徒

勞韓范於戎行久辱大臣於虎韞感東山與采薇賦相思名亭而

惻愴司馬光感征戎之苦題詩於亭復有九龍韓母載育韓世忠故里在

墓在九龍山戲槩年少臥虎簷廊世忠微時嘗戲槩二郎山又嘗傍

祥徵乃許嫁焉冠中興之名將終西湖已放浪當秦吳之異域悲故國

之滄桑世忠謝兵柄自號清涼居士清涼庭若夫扶蘇大冢蒙

恬古塋並立在綏德州城互白虹之隱見吐忠孝之光精二冢對峙圓水

之湍沙飄忽即無陰漢縣名在雕山之陰之戍馬嘶鳴城東

里古屯戍處照天邊寒月之骨動山東思婦之情過豺狼之故穴由

而北即痛勝國之蝕地銀川驛奮臂赤縣弛維如朽索之馭馬

竟分崩而爽師李自成一馬夫因裁驛站饑荒無所得食遂已

者充之有司務亡明因憶明祖承訓自今驛卒必已糧富丁多

恤蓋有已知亂本矣履榆塞跨雄陞控弦鐵騎積粟精桑成化

九年

都御史余子俊相度形勢東至清水紫城西至監夏花馬池築邊牆二千里增置營堡勑榆林衛移綬德重兵鎮於此自是綏乃安枕聞逆之亂闔城殉節本輦費輸貨充肆溢遠昔有名朝休養生息榆鎮復雄近已改府

臣是度是咨畫沙聚米式固藩籬則有太虛閣外

在府城中街 凱鼓

樓頭

在城北門迺臨大漠明武宗西巡登此樓

沙因驚而自響塞不風而已秋望邊

埃之隱隱橫地脈之悠悠原夫河流灝瀚滌蕩戎華徑橫城而

出塞絕大漠已入葭錯落郡縣控制犬牙

河自西而東由監夏橫城折而北爲出套

北折而東復折而南由黃浦川入葭州界爲入套紆回二千餘里環抱河南之地謂之河套漢朔方郡縣繡錯其中自昔

策衛套中直跨河朔東勝有城受降是築登陴一望平沙極目

我失險而撤藩彼渡河而南牧鏡得失之所由攬前事如發覆

明初卽唐東受降城故地營東勝跨河北已衛套中我登城一望則平沙莽莽無林阻百十里而遙匹馬一人不能隱彼輒望城引去遠居漠北河限之而套爲內地彼候河冰乃乘間入犯我防秋冬而春夏得力田套中修城守雖遼東宣大監夏甘肅

莊浪類茹其毒而延慶無患迨東勝不守外險既失彼始渡河
無所忌而鎮兵駐綏德往來策應苦不及故余子俊創榆林衛
然東勝終不復法久後戩邊牆積薄而訛加斯蘭火篩等寇固
原剽宣大楊一清總制三邊始復申搜套復東勝議與曾銳議
俱梗
不行
返波陀之廊時遵巖谷之圻墀廢刹荒殘貞觀黜聖糾髡

動戶隔毛髮森襲鄂柏林山下太宗曾次兵馬寺壁猶繪有畫像若其澗流淺滴石

被寒葩日月會於龍旆役車息其勞譁野戶除山日發燒村農

落架已斷瓜祀舉迎貓節近於貉洵慶壤早寒而民俗可樂陽慶

僻處萬山中不尋古郛今長武之隘巷陟幽國今邠州之巘巒冰梨

冬孰菱葉霜丹飛帛灑雪細眼流涓推皇過之徑度極瑣細已

疏觀煙霄拱極昭陵九爨山名在醴泉縣北五十里肱酋雅跽而交趾龍媒

刻琢已方瞳陵上刻番酋形琢六駿像已旌武功凌煙佐命兆域陪從功臣密戚各賜塋地

陪闕五雲於松柏想文皇之劒弓京兆今西脂車青門長安東門整

繼金墉顯敞重閣閼遂列隧分衢循方按位誼譁則隤聒宇宙

躋塵則埃埏天地故帝京綸駱篇西都美班思凝碧太液昆明

曲江建章清籟神明壁璫鐫鉅麗於金石綴簾幙日琳琅他如

杜韋之曲鄭韓之莊譬百丈之喬木表千年之故邦況復由來

天府自古帝閭銅駝金狄氣象鬱蒼壯柱下之遺文觀石刻於

歷代

俗稱碑洞

上掩岫嶠旁羅騶岱其梯險而繼濶乃森列乎壁水

離宮之內

明皇御注孝經文宗太和石經及五經文字九經字樣與秦繹山刻石等俱在碑洞

其諸寶刻

煇璘貞珉瓌麗營迦寺日凋殘

天聖詔營浮圖姜遵毀漢唐碑堅好者日充甄璧縣尉不可乃

止

修灞橋而捆載

時韓鎮督工急民磨碑石日應之

詎游藝之精英來造物之

妬害玉漿仙井悟真曲岳栖日玄都之神簪日青精之屑輞峪

環流雙厓喋薛

藍田縣南八里有輞峪河

乍掩映日虛無錯天光之明滅豁

然開腹芳艸紛纈

三里區初入甚險過此別開林壑

雞犬蕃滋桑麻修絜漁樵

耕牧生理饒溢何厝日已知年驗榮枯之更迭

其中良田果園男女衣裳往來

種作不異外人但洞門狹遠與世絕所謂輞川也

飛雲

山鹿苑寺

右丞故廬歆湖孟城

之勝木蘭文杏之株地燭門棋艸沒荒除忽猿啼而虎嘯亦眇

眇其愁余若夫人上七盤

坡名上此則入萬峯中爲藍山

馬疲百曲放眼秦川

塵界自踟躕渭注豐不盈一掬翔陽逸駭於其阿積皚紛凝於

其麓搏壁立之翠屏湧濃蛾已黛綠珠瀑冰涼琮琤絲竹藍橋

在藍

山下神境雲英嫁時倚瓊崖已微睇託碧波已通辭則有洞留

丹竈

碧天洞韓湘修真處其溪五六十里

艸長雲芝膏分玄液葉挺華滋靈谿一

濯疏淪心脾發鸞鵠之清歡陋塵寰之喧卑秦嶺層顛昌黎廟

作自牧護鎮而上爲嶺絕頂昌黎廟在馬虎狼

接跡有碑刻示姪孫湘詩蓋貶潮陽時經此階門麝臨庭羅

狐兔木魅山鬼昏見晨赴候風雨已嘯嘯亂雲山之韶濩爾其

蕭蕭寒木下葉空枝落落長松干霄蔽嶺潛州咽聲幽巖豁境

隼起猿啼風日清警悄空谷已無人列茅簷之獨冷朱實衆衆

因凋弊梗果核富饌糧霜柿繁紅杏

大商原一路山溪燕碕子林密果核不論錢

碕壁簪麻礪

名潭淡

近商州城十里山形石色奇絕漢初四皓隱處

拔地屢屨入天蔚

藍則有當年綺皓不屑華簪恥漢之罵避秦之魑入龍樓而婉

婉終鴻翼之高參餐紫芝兮髓綠落松子於手談

王越有四皓圖棋歌

其金鳳

山丹流

水龍峯

龍娥壁

峯穴藏三品之金

商州產金及

硃砂宋熙寧

中已所產微

映飛五色之翟綠熊玄豹焚林乃逸攷茲土茫茫

薄詔罷貢金

陽虛山石刻二十八

高辛亥鳥

縣遠皇古麻倉頡蟲書

字相傳爲倉頡書

契所嚴

關通赤帝之軍

東即

六百

隨嬴秦之術

即商

分界江河長流不

武關

於地

關通赤帝之軍

東即

六百

隨嬴秦之術

即商

分界江河長流不

武關

於地

竭秦嶺西水入河東水入江熊耳北水入河東溪太白之居南

塘處士之室許渾溫庭靡不結猿鹿爲羣錮煙霞成疾迺有熊

耳山縮尖鷄冠山戢翎簷嶢二凝素商洛滅陞時商山道中大雪踐層

久於滑石振短策而吟蹕吟肩聳矚奇賞通靈侶羣仙之驂鶴

張玉笏於天庭瘦馬長嘶藍關尙擁百折名嶺蟠坳亂石名坡臃腫

樊危磴與飛梁縋懸厓而身搜極夫彤雲殺氣積日不開銀花

亂撒玉屑霏來我馬瘡而警策我僕痛已詆喚紅衫青笠木末

山隈爾其藪澤清華淥波澹遠阜葭菼與川禽獻鼈蟹及鱗鱣

實惟上林漢家故苑在渭南城外當夫離宮別館羅乎丹淵翠葉紫

莖揚乎碧巘拖燒旌飛玉幟格貌貅控大宛關脰絕臆投刃觸

圍發貳殪兕利獸蹶蹶受禽較獲樂已忘返吞雲夢不帶芥癩

孟諸若蜺螭至於香山詩安祇賸殘碑渭城東十里樗里秦墳

尤傷荒劫樗里疾墓在上林苑吁平疇之廣衍屈少華山之岌巖惟周室

之咸林母弟封而開業今華州為古鄠爰有行宮即今試館陰陽所洽迹戒

崇侈制從卑狹我

皇祖西幸乎華封實作師而韎韐則有集賢相里裴晉公第鄭縣古

亭見杜詩今杜基是仙娥駕降郭子儀未遇時王子丹成王聖遇仙於符陽之山及

抵家已數世今太仙廟是纖鱗持於龍戶長安有象龍戶懿皇朝龍池中走失兩條於東都魏王池中覓得取

歸道經華州刺史李訥已為妄驗之則二小瓶貯二小魚其人

鑿穴尺許注水穴中取魚投入尾觸穴四隅隨陷水亦暴漲穴

闊數尺在鳳居山開元中鳳逐二龍至此龍化之山巔壘石赤水上源有周某處嘗斬蛟於此其

為塔呂覆之晉將斬蛟於赤水傳謂義興周某處嘗斬蛟於此其

赤水遂秦官豐祀於散阮散阮君即王翦莊留王宿川東北二十

相傳太子立曰廢奔宿於此城告武平鄭西武平城武王曰告太平者爾乃渡渭濱洛斥鹵

揚沙即沙苑水流沃已漬壤艸含凍而豐芽種繁汗血地稱渥洼

王有虎臣攻駒簡花分馳角北顧影驕誇權奇綠縹則天閑騏

驥連錢夾鏡則邊鄙騶驪礮礮魯突墀阜谿猗嘆乘黃之一去

空犇逸夫麋廢土峽磊崎長城廢址自洛水抵同州見長城故址戰國時魏所築已禦秦

者距虎穴而我虞喪七百其焉恃所喪即今鄜延銀綬之地武靈胡服已闢

邊早睥睨而揮指陋亡秦之築怨亦作俑其有始長城之築始於趙之陰山

燕之襲平魏之憤洛而秦獨蒙惡聲若夫臨晉今朝晨渡罌缶夜鎬自夏陽至關平曠百里大

河易渡漢祖往來關中經此七國謀反亦從此入又即韓信虜魏豹處周文造舟而自治今鄜陽武

皇東狩已橫汾山夏陽芝川而渡長春柳暗宇文護築隋文置殿已瞰河華洛渭白樓句

芬令孤楚有白樓賦元稹詩煙入白樓沙苑暮石室鍾西河之澤郃陽飛浮山有子夏三石室今入於

河龍門雄司馬之文維昔二儀蹂躪元炁昆侖山河磔裂歟

未安帝乃命巨靈持鼉之極執紘之端蹠掌翼彝天地已官猶

復沈淤壅閼未批導夫髀髀鯨九載而弗績禹隨山已鑿刊遂

乃轟雷飛霹屑雨奔湍直下九幽破激空貝闕寒龍門山屬韓城大禹所鑿

斧迹猶存河流自山直下千仞積久夜合而平陡春雷微動已

波瀾禹門久橋每歲大雪時合驚蟄始開爾乃尋漢南之樂國出古道之陳倉今寶

鷄五原五丈原隊仗礮谿玉璜石鼓岐陽之狩鳴雞霸氣之張益

門鎮名自此始入棧天險離雍割梁棧雲紛白練雞岫澁羊腸橫當隴

漢旁距氏羌陰陰溼霧冥冥紫梯象虹霓之回帶鳴春江之流

漸經九折已蹤滅繞千峯而意迷中原盡邸閣一線通蜀圻經清

風關長橋草涼驛隨峯旋轉徑若螺紋架木填鳳嶺臨鳳縣城屹嵒

土車馬行空竟日至邸閣峯益陡為秦蜀咽喉

稠敷結構徑駛駢兮無鉤援絕磴路兮如縣溜雷車雲隱馬寸

人豆過廢丘發南星俱棧中驛翠蹊溪窈碧礪清泠鐘籠篠蕩布濩

娉婷柴關嶺名直上猛石蹲踞水隔淡林而怒號徑穿怪木已危

度騰清猿於遠梢嘯子規而迷處雨趁留壩已留疾得名濤急鳥攏

江名在虎頭嶸怪石臨江狀似虎頭故俗名虎頭關爪鐵牙銅臨崖飲礪人出

沒乎其中馬鞞巖巖馬鞍山棧中最險之路突高突下如馬鞍者二十四俱臨萬仞之谿纖路龍

鍾若鼓若鼎非熊非熊大鵬天半今亟翺翼桂江春水兮露鰓

鱗尙僂佗條倔彊礪礪挹驚瀑披翠苔絕幽壑摩高穹礪石衝

齧而險怪如叢之大小錯列而聲鑿伊昔漢王南下淮陰北馳

寒谿夜漲相國輕追幸樊橋之未立蓋炎劉其已危武關五十里至馬道

駟其河發西山峽中東流合襄水古名寒谿昔韓信亡漢至礪此水漲不得渡故蕭何追及之後樊噲於此建橋亦名樊河礪

號閻王

今改名觀音

勢威掣電揚巨斧已層層削高峯於面面鬱開

闢之骯髒蹴龍象已搏戰劈石湫開爍犀靈見大筆蟠蛟螭神

功經鍛鍊茲險忌其猶然疊嶂矧其未鏟

礪極奇險壁立萬仞湫臨千丈幾無著足

賈中丞煨石關路崖刻宋荔裳

鷄關磳磳鳥道隴嶺

七盤山即蜀道之登

天者絕頂

爲鷄頭關聳冠礙日張翮排風吁噉蜀道茫昧蠶叢捫參井已

脅息闐闐闔而躡躡絕頂開豁褻糾遂窺積日驀曠始覩太空

褻糾道至此凡六日

爾其周原衍沃禾黍油其引鄖襄之大陂跨秦蜀之

咄囔當夫秦鹿其逐楚猴最雄都彭城已分裂王諸將如沙蟲

隆準見偪燒棧莫通舊三秦之一戰卽殺函而是宮踰古褒

褒城

縣

入南鄭

縣

士馬精嫺財力雄盛赤符故垣久不一姓想鴻門

之舞劒危刀俎之待命雖鬱鬱其居此正養銳已蓄勁磊落王

氣蒼茫將壇

淮陰所登壇在今副將署

蹲獅狻於魏闕

漢宮大石獅在西門

同鐵馬而

不汗

平聲

爾乃芳郊繡錯漢水波瀾雕竈始創畫槩徐飛

自漢中至興安

循江東下

正惠風而春禊近上巳已澄暉煌煌扈扈紅燠碧漪滿頭

綺翼汀洲振衣結佩思要乎游女凌波微步乎宓如蹢躅容與

焉知是非若夫亂石江心鉅釘錯置過隘驚灘穿峽成字

洋縣南二

十里入江峽

平流則澹霽溶溶當壘則澎湃突巖俄頃靜觀風波頓

異環珠入險渭門是次峽下黃金奔瀧愕眙

環珠廟至渭門三四十里爲黃金峽

萬嶂插霄船從半天而下

委鯨浪已簸揚騎仄壁已牽縋倏焉飛索中推輕

篙遠刺齊鉤弩已發機吵浮波而騰駟爾其長林挂壁已拂舟

怪樹橫江而接翠彌夏畦與冬蒨富名材而如積取麋鹿而何

嫌淫芻蕘已不忌遠壁青淡近峯紫至欹軀側楫不帆而駛

自漢

抵興安江行千二百里興安之州舊穴城狐明末遭寇害甚酷殺戮盡

凡六日順流下數十灘雞狗餘生半嬰孤休養百載元氣始蘇臨楚天之雄秀州界連

下漢川之舳艫刀劍佩於牛犢兵弩雜於畚鉏軍民錯列已靖

荊蒲引襄樊之利則黃白通於夏口販川蜀之粟則粳稻溢於

東吳蔽江流已鵝鸛森軍容於火茶興安武備甚肅川觀既鋪岳趣在

陸沿漢江已上下徑岡巒之重複時則細艸成茵青藤結屋舒

葉解苞含英飛馥羅生陵阜不辨何族峭潑林縣遂谷礱萬綠

已參雲露天光之蹌跼右壁左江出其腰腹經馬嶺之高塘劈

長空已橫幅馬嶺塘在山半腰極高險界屬石泉乍弦直已伶仃竟紆徐而往復

孤根走瓊崖千章翳綺旭悉索山城茅櫓五六可耕將百畝引

泉藝半菽游鯢鮪於寸波亦涵淹而卯育石泉城不滿數十戶在萬山中得田方廣

數百畝餘皆頑石不可耕也則有奇巖超越望極天界關日饒

其山泉紆道經流僅資灌溉

風嶺摩絕頂關在萬山之頂宋吳玠守此有帥府遺址想黃柑之遺敵同攝飲已暇

整仰攻俛礮六移晷景吳玠拒金事南指滇黔之道北瞻子午之頸

七日長安厥路猶迴其口則仙楹天造雲氣金銀其中則危索

通崖風雷竊冥恐山靈之我訶聊目送而心騁子午谷口有峯陡出如盤猿狖

莫上頂有人仙廟若憑虛構造者遠望基址土石可辨其簷楹牆壁異艸纏結四時豔發仰觀若錦亦神境也若夫晨

敷夕秀吐葩含房薜荔蕙若薇蕪蓀蓁靈藥盧朮所料異艸神

農是嘗遙村罨謫路入金洋即洋縣雨肥翠麥蛙閣方塘祈禱則

嬰娑壖壩洋俗春游壖壩壩取石之穿者已絲項之則安甯占穀則量測沙倉石泉縣臨江有石窟

其沙濠淺主洋縣秋猶有望雲待月霜筠露香亭開菡萏谷滿

篋簾容刺史之攜灑妙玉局之琳琅蘇軾有洋州三十詠我瞻城固縣踞

蹴周行饒富甲漢南之郡豪侈駐游客之縵渡黑龍江而黃沙

驛經孤雲山與兩角山女郎山木風颯颯已展旗宣羌有張魯城女郎祠相

傳為丙穴嘉魚沫啁啁而受稍宣羌州大丙山之腰有二洞離地二丈左出黃魚右出黑魚四

時已分至為出沒洞口設罾罾入中奕奕定軍山其道有倬山

者取之洞下鑿長渠躍入者捕之在

沔縣東關外武侯墓在檜柏祠堂雨風樓楸石琴絃指元音古

馬離墓二里為祠堂琴堂藏石琴上翠嶺佳城豐碑古

邈彈梁甫之吟鐫章武之朔刻章武元年

柱鬱鬱冬青哀哀杜宇嘔血而事猶辛籌筆而豪欲腐英雄灑

淚於山隅遺民私祭於沔沔人遇寒食羣拜掃武侯墓道八陣雄奇神明擁

扈水急壯波濤月黑聞軍鼓陣圖在山下每陰雨則聞擊鼓聲峽出金牛山聯

岫豕漢水所出洞峪巋巋已巖巖瀑泉歛薄而漢涌樊崖涉溪艱險

齊總橫留馬却而石高達迎轡繇而雲滄開路無先自我鑿空

上聲自入略陽界石路險惡行百二十里入城嶺介棘道與岢峨江走嘉陵而巴蜀

城西關截江而渡江源近出百里內下通巴峽為嘉陵江牽修纜已蟻挺逆奔流已淫瀉天

迴雪昏征輦戒夙陰翳豁開林巒淨浴長條蒼鬱於孤峯豐稍

幽藹於礪隄列嶂眉齊危礪竦獨繚水郭與山家各鉤連已

簇照耀華爛呈幽發伏白馬之關陰平之道階州路即古陰平鄧艾由此入蜀

鐔河冥漲鐔家河在關山嶺下狂瀾欲倒登韋壩已高睨上五郎坪名而幽

討石壁欹已飲河峽角騰而刺昊蚤緣眇路已熹微起伏秋豪

而旋繞危輿髮繫犇蹶石擣凌太石山瞰犀牛江縣車束馬窮

險觀幽前趾受已後頂目力周於四游連山破碎纂組雲浮斷

厓杵臼曲徑鉤輶山精颯沓銛利戈矛距久壑已弱棧界危道

已勁流坂坻錯繆谿谷紛糾變化寒暑乖隔華曾原夫茲邦用

武舊餘戰血典午則鄧艾師潛鄧艾同子建炎則吳璘力

竭米倉山吳璘屯壘殘荒艸之煙橋載古車之轍其貢花木文

所糧處故壘猶存散關霄躋在階城東二百里玉壘雲

齊在文縣入爾其羌髻殊種息喙亂穴海圖拆波濤舊繡移曲

折蜀要路文身被髮山外為狗西番時入城買雜自鉗鑿齒雕題而

相悅僻野階文山乘標楊秦鞏南界乃安我輻由鞏之西和入

汧渭來巖岫縮則有祁山遺堵山前原隰開廣街亭敗鏃故壘

滅景於驕陽武侯軍壘每六月悲風銜恨於馬謖鹽官鎮涌井

天產是煎鎮最饒溢有鹽井方廣沾溉六縣一井為六衣倉百

塵彼孽貨其有幾已煙雲之相連天水故郡今秦嬴氏開先囂

述據已騰躍符姚尋已戈鋌爾其鐵堂古峽姜維雲下良田龍

有耕天村其雷峯酒孰雷牛成紀人煉丹雷王山松花果鮮梨

田曰雲下田雷峯酒孰至今有古槐精出類酒

最佳玉鐘匪琢玉鐘峽有石韞玉成鐘形寶佛何玄禮縣柏林寺有瘡僧

者攜黑犬來赴齋衆僧惡之一日僧當夫開兩大戰三綱龍圖授

犬俱死用火化之湧玉佛一尊

義綵石煉皇伏義卦臺在城外苞符早洩於成紀乃光被乎虞

唐地臨下辨烽接邊牆馬思戰鬥士盡慨慷猿臂將軍鬱青霞

之意氣李廣墓在城外山上墓蛾眉少婦晦高臺之流黃晉寶

在城若乃指隴山兮大小坂望吳嶽兮十七峯即隴山也川落魚龍

而動彩川出小隴山月經晦朔已恆融隴關時有月光輝難行

人己寬動聽流水之聲淙載脂爾轄言瞻我旗山寒麥短微風

肩虛伏羌縣洵美其樂只且圃草繁乎林藪穀土滿於新畬凭

高頻瞰負郭對閭何室家維僮應牧人多魚若夫蔡琰無家舊

廬苑在在伏羌西入胡既穹帳衾寒歸漢亦鳥雲髻改傷青冢之長

蘿此九外其猶未悔窮岷嶓於上邽墊江在洮州衛南境出西傾山過階入文至漢中會

嘉陵岷江出岷州岷峨山過階入文至四川昭化會嘉陵二源

皆羣屬岷冢在秦州所出水為西漢至禮名長道至成名鎮家

河至階名犀牛江入漢中畧陽合嘉陵嘉陵江源出漢中鳳縣

大散關自兩當而徽縣而畧陽合西漢水又滙墊江入岷江為

四濱第一親朱圉山之華蓋洞名丹青赭堊若編貝目清渭之始流

甫濫觴而未汰渭經朱圉之麓其流甚細爾其接汧隴界岷洮雪山壓頂江

源洩尻印水經與括地細繭絲而牛毛鞏為江漢漳牢落首陽

之峻首陽山在渭源縣東渭有三源合流至縣南入隴西經伏羌抵秦州歷邽山之陰至社樹坪出石門經鳳翔寶雞中

開會納眾流東西千九百里乃會灃涇過漆沮入河峇巖鳥鼠之高山有鳥名錫有鼠名獸二物共穴鳥

在外鼠在內各自生育不乃有崆峒山頭節西傾山入望熙河

相侵害故名鳥鼠同穴

則王韶發難枹罕今河州則充國屯糧翁仲巨人所彈壓始皇已守臨洮

暴秦蒙氏所披猖也秦築長城起自臨洮地通佛藏俗事胡僧三觀九寺

充奉祇林洮中佛寺甚多俱喇嘛僧住持髻兒戲馬番女剪燈接霜垣之舊署

多勝國之越吟試館為明察院署題詠甚多亦復拊髀壯猛憂響哀沈噴絕

塞干戈之氣寫孤臣危苦之心嶽麓山清峙超然書院名椒山先生聚狄道

時講學處峻嶒會遠勢於眼底試朱闌之一凭忠愍敢諫鄒張代興

椒山祠已初應龍張萬紀王同龍場之遠竄高門風於李膺爾

茲段堅配為洮陽四先生其惡藏堡名與番為界西窮洮流北抱日白沙黃天荒地老甘雨流根

萬物回槁摩雲嶺鬱葱風土光藻屹矣皋蘭山富雄京鎬山環

城延袤二十餘里其下可昔嫖姚之破虜此喋血而霑神霍去病塞

戰匈奴耕可守遂成蘭州巨鎮遂乃梯航直接幽荒迅掃來渠接之織皮賤淮徐之織

於山下編刀布質劑通泉溢寶崇埔濬溫襟帶山河臨大河城西門湧洞霆門

自天洩波

河下東北達寧夏其上溯昆侖揆星宿不知幾千里元世祖遣都實窮之云源在土番朶甘思西鄙泉百

餘泓或潦水沮洳散渙方可七八十里泥濘不勝人跡近觀制

克履高山下視燦若日星已故名火燉腦兒譯言星宿海也學

士潘昂霄

浮梁架已跌宕繩索紛其錯摩

州城外已巨艦數十聯布水面為橋河流

為之記

浩瀚隨

波動搖臥成蟬煉銜若鼃鼃洪湯數里安流澹沱星槎容與扣

舷朗歌覩周垣之鱗次關紫漠已窈窕披豁沓而北迤車隱隱

其塞杪

逾河即接長城至沙井堡更出長城外二十里

沙山連而骨白羌笛哀已天宵

見黃河之散漫傷獨立而竟悄沙井之墟雲漠漠火燄之山日

杲杲

山縣互數百里四望焦枯不生艸木

生意無權輿百卉就誅藁俄焉焦土盡

銀流傾圜餘嘉蔭野富秣秣

近紅城堡三四里接莊浪河尾銀濤滾滾種植蕃滋

引清湍

而蓋瓦激水噏已飛泓

臨渠結屋中置水磨隨波激轉

萬物所悅庶艸滋榮則

有番釐童牯高駝象蹲

平番產橐駝牛牛愛東番人牧放雪山中

睽目延頸怒肉

突筋詭狀蹢躅已蹙蹙豐毛絳縹已繽紛王會已至百獸逸奔

宵貌簪笄已如意雪厓馴畜已為豚番男婦俱不衣褲鞭指搗牧放厥狀唯吁爾其

覺花茁兮秋雲高菜陌黃兮盛夏末七月初菜花始放霜又旋至惟玄冥已

司命疑夏官之常缺馬牙山霰零鳥梢嶺風刮義馭無溫窮陰

侶鍛踰古浪縣入武威縣渾邪右地居延北扉涼州本匈奴渾邪王右地漢元

狩中霍去病公孫敖過居延天梯山前列沙河後隨黯河梁之蘇李

蘇武牧羝處在鎮番慘執手已淚揮原夫瓜州裔土允姓淪湮燉煌古瓜州春秋傳

允姓之姦居於瓜州周襄淪陷漢武始闢緊大荒之攸奠仍疆錯之維昉故夫三危

卽敘流沙入臣戎兵弗詰犬羊肆猖一自犁庭掃穴疆廓威申

五郡天末金城武威張掖酒泉胡鹵清塵雖輪臺之詒悔亦萬

世而一辰爾其連山對出華譯分畛混沙礫已躋駁給牛種已

遙望崑崙蹴蹋膠輶嶙峋亂水激汨而尋壑平沙蕩潏而爲津

自武威已西田土沙磧相間落落古木散布遙天又山泉橫溢平地成津隔塞垣已橫脊列胡騎之

雲屯與蒙古爲限者祇一垣陰風怒詬遙山晝氛恣凭眺乎五

涼接流軫於鸞鳥今永昌縣涂容九軌門建高旗則有邊艸茫茫墟

煙絕少長天仰已不舒明月縣而空皎悲一將之成功經原野

之幾飽永泉堡至峽口平原廣野爲明張駭地輪之激轉睇陰

峯之虧蔽怪石齟齬斷牢關險曠峽口山勢忽束仄僅容軌塞堞

竄而無所置壯厥趾於山之陡過峽始寬墮地乃走塞垣縣接

至此陡上高山目大道已如弦落刪丹今山於馬首黑河涌前

數里始復平地在甘州城西千山積弱水經右卽山丹河有碑刻爾其祁連壁

雪消融諸流交滙大禹導弱水處絕天山鬱鬱三伏之炎蒸不到太古之封雪未消祁連山在肅州南縣互干

里漫山皆白斯則張掖之爲郡也今爲縣月氏故國元魏分徼入燕支

山之翠黛色如煙脂貢于闐之玉瑤國接葱嶺烏孫秀竈陽關過土番界在都鄉河

之遠招伊曲流聲於樂府伊吾今哈密花門通回紇射月於秋颿朱柰

夏實父瓜野饒哈密地出美瓜其大者如斛小者名回回甜瓜酒泉燕樂肅州故酒泉郡也泉在城

東極亭鹽池煎熬在鎮夷菴蓉茂葉枸杞豐功珊瑚瑪瑙安榴蒲

萄玉門生入之客玉門關在肅州西九百餘里燉煌今瓜沙遠戍之鏹莫不望

牙旗而神戰臨瀚海已竟銷肅土維磧山泉灌漑築壩引流民

用得食赤斤罕東界連萬國赤斤蒙古衛嘉峪關西二百餘里罕東左衛卽沙州哈密衛又在罕

東左衛之西凡西域諸夷入貢者皆取道哈密哈密實控制西

域樊衛肅州他如罕東衛曲先衛安定衛阿端衛并西番十二

族附近西寧衛歲納茶馬雜種蔓生不可殫劾關隘固孤紅山名

若干匹皆番夷之內屬者在肅州北羣烽埃傳察黑墩名亦兩乃辭合黎之脊翠合黎山在甘州

番必聚之處在甘州

城駕仙隄山丹勝地之彩衢崑藏竅竄取徑特迂隸河西而南列入

湟中已境殊自莊浪岐而南三百餘里入西寧府古曰湟中溪崖大塹窳窳關關尺天

寸地釐疆析圖涼湟二郡南北相對而千山隔絕中雜番夷聲息不通厥土赤埴川澤孔

訐由萬山入百三十里至大通河遂通古鄯後魏為鄯州至於樂都今礪伯縣凌連雲之

巉石俛駭峽之驚渦府東三十里為小峽口下流西寧河驚濤拍崖龍支湟地要害兩壁

嵯峨漢緣隈已置道唐設閭已橫戈今廢怪崑屹距人立誰何叱

飊驅颶曰風之婆小石峽半山有風婆崑每大風禱之則息遂乃抵西平即西寧之鉅

麗凭龍居名寨之詰屈懸介中華三邊腥羯神爵困弊夫先零趙充

國屯田呂困之永嘉淪陷於禿髮禿髮易孤伺閒不常蹈瑕已發海寇番猢

蠹居碁列爾其覆袁山客客隋煬執醜虜之不庭征吐谷渾時所經積

石山李靖侯君集師出鄯州行空虛之地三千我我唐將觀河源之所出過星宿觀河源焉

紅崖

在府城東八十里

翕翫巨巘巘青海

海方九百餘里一名卑末在府西南五百里

淳泓

而蕩潏

日出沒乎昆侖湟

水邈水

朝宗於河伯東南巘嶭西

北瀟瀟

自河曰西東南轉高西北轉下

按流峙於方位與扶輿而反易固絕微

之倣詭嗟難得而縷緝若其三駕駐浪北荒遠步

由平番出真塞走東北

宰乖割雲山錯迕惟羈帳之馬牛無羈勒而來去寸蔬半菽近

縣徵調凍鼓殘旂空營屯戍

塞外無居民墩堡中戍卒數人耳其米菽皆致自百里外

夜參

半日斗橫馬悲鳴而達曙觸霜晨之慘裂仰松山之龍葱徂徠

分秀挺特隆冬一洗不毛之恥獨奮後凋之容

塞外山皆不毛惟松山翠色連

天松外亦無雜木

迺有豺狼驚竄狐鼠縱橫土藏淡味日射霜晶

三眼井一

帶水同鹽汁而得之甚難三口程始至長流水

圉無芻而拊秣隸乏水曰空冰

疑同謂水蒲蓋

漲天黃雪

沙之別名

驀地滄溟

過沙山紫沙侶海

飄風疾至迎沙蹙紋忽黃

流之滾滾破幽荒之沌渾

下沙坡黃河環繞入中衛境

遂乃網魴鯉飛鵝鵲

理篙楫浮陵蘅河決塞垣而東注人歸紫漠目煙暝覩中華之

氣色若蓄眼而未曾

入中衛閭門頓覺水木清華

彼夫河之爲潰也害鍾豫

徐利溥寧夏

府

千渠所興百穀用播自唐漢已規營代經綸而

貼妥迫荒治於我

朝暘農功而極夥舉插則銀漲齊來決口則洪波夜墮旱勞匪

天蓄縮自我

寧夏郡引河爲利史記河渠書已言之由中衛抵府四百餘里諸流交匯其最大者爲唐來漢延大

清惠農等渠每四月開水澆灌自下而上官爲封禁

故夫川禽薦鱗鯢水蟲滋蛤蠃游鯊

戲泳於菰蒲土澤揚華於蔬蕪旣佃且漁充而頤朶浮金波之

彩橋泛澄江之畫舸水殿罌華楹青瑣

唐漢兩渠始自元董文用郭守敬架橋構

宇遂成奇觀今大清惠農二渠尤極壯麗

綠楊紅柏經秋婀娜綺塍繡陌刻鏤逾麗

於江南珠履影纓衣冠欲步平江左

盩夏有塞北江南之名明徒齊晉燕趙周楚之民已

實之而吳越居多故文物彬彬盛矣

豔豐鎬與郭杜曾何足已侈哆地雖土斥實

產名鹽紅柳池

池

厥號微纖因風而割有日已炎非煮海

而井出故味佳而值廉

府南踰河為鹽靈二州其池不一而烏白池最著又有花馬紅柳鍋底三池州

城南北三十里各有池其產不多在三山兒者曰大鹽池在故

鹽城西北者曰小鹽池大抵不勞人力因風自生殆天產已資

我邊

屏賀蘭

山在府城西北六十里

之險削擁朔方之翠嵐

盩夏古朔方地

思昔

曩霄拒命英物超凡改文於漢易民而黔散外百萬衽革觸銛

元昊小字曩霄李繼遷之裔世據朔方已宋寶元元年稱

皇帝其奉表於宋有曰制小番之文字改大漢之衣冠

同屈

子之武烈

赫連勃勃字屈子曰晉義熙十四年僭號于朔方外諡武烈皇帝

作西宿之白虺祚

十二而始替已炎宋之將燼慨夫明葉之中衰也邊事孔棘虜

塵易揚父堅而陸河泮已航套中甌脫臥榻棄旁

嘉靖間北虜據河套每鼓

流浮河西渡冬寒久合
垣若通衢其之能過

降虜無自而食力坐甲始困於襄糧兵

增費益調遣頻繁遂乃蹂躪朝那

今平涼

縣延慶環

慶陽府環縣

設險

而與共明者已為患爾其投石越距良家技擊旌旗掩日天子

上單于之臺

漢武至朔方臨北河勒兵十八萬遣使告單于

成旅提女少帝受齋宮之

冊肅宗即位靈武即今靈州

彼雪恥於百王允神武而無敵

太宗絕婚薛延陀既而其衆俱

請降置吏上大喜納之為詩曰雪恥

所已家善寧楊人思浹拾

厲霜剌已斬堅聽豐原已鳴鏑跨青驄騎黃褶積甲蔽青銅

峽

之隈張幟奪蠡山之色

山之蒼翠如染

材官致朱輪劒客夸白哲猛士

傳觀已六鈞源陽受辱於巾幗則有蘆花卷白霜鴈驚翰濱渠

口之總滙遇大波之漩還萬馬齊下銜波不喧侶神龍之繞塞

揚尾頰而屈蟠截流而亂休樹解鞍

自渠口渡河而南河流甚廣而無濤潮洶涌之象其

下流即人接鳥氏之故墟按義渠之舊壤自有城為昆夷臣任套處也

好而來享秦昭拓肆其北封遂邊胡而甌昉河南為古義渠鳥戎秦穆霸時涇上

鳥氏皆朝秦即此昭知先王之馭戎不究武而用權逐太原固王滅之而匈奴興

原鎮是而城方洵籌邊之最上蕭關北郡塞界漢躔白登進初安

定今為退完警朝颿之獵獵薄虜馬之嘽嘽跳踉鮮卑蹂躪吐

番塵沙晝掩粼粼夜燔息百年之征戰仍生齒之凋殘始皇盡河立河

南郡為塞漢高白登被圍與匈奴和乃徙塞安定而平涼遂邊匈奴右方孝武築朔方始繕蒙恬故跡然歷代陷復不常套內

數百里間荒涼同於塞外創固原州之雄鎮峻城隍而言言數紛綸於塊壤

照曩古已若炬密侵阮曰祖共秦臨湫而祖楚涇州商周阮共之地靈臺古密

國秦圖楚為文過安西之行都元所置見開城今為之巨礎空

詛楚投朝那湫王所置見開城今為之巨礎空

同山問道之宮在平涼府西二十王母山留觴之渚即儀山也山下有大

餘里山上有宮殿

池即穆天子傳之瑤池亦作淫池淫大也望華尖山其下為華亭縣盼都盧山而延

佇金佛峽回峯彈箏峽拂雨為川二十而有羸厥泉數百而可

舉會并頭山之始波待屬納於神禹金佛彈箏二峽在瓦亭山

水出平涼府城西南七十里并頭山下有百泉流為涇納水出

華亭縣城東三里有二源北源出小隴山馬峽南源出隴山仙

姑峪東繞涇州浩蕩其王之娛游漫潤西涼之番插博蓄難渠

過回山屬於涇涇陽渠利最廣涇州則距源未遠而介高山淺狹湍迅烝徒堪捐高山山名為涇納分水之原觀其

發源豪彘見山海經紀於荒牒爾其割安國耀武之鎮後唐呂二鎮為平涼縣

騰臨涇行渭之囂漢為臨涇唐為行渭可藍山小隴山左絡右包引邠岐

之繡野即芮鞠之神皋於鎬京為賓服距東洛則荒要覽大戎之故版即今平涼西山後諸縣也王居鎬京在千五百里內故穆王召賓享責之歎姬室之腥臊去

陰密文王所伐其伊邇何我陵之不勞慨涇原之空署遠鄭滑而仰

漕唐置涇原節度使原州已陷給已鄭滑之賦

蓋兵馬芻牧之繁會兼雍涼朔并之

蕭騷山高地冷霜巖雪脩在其板屋同我土窯同羊麥經寒而

平補烏頭不熱於府焦總兩載之行役遍秦疆之遘迢攷自車

鄰駟驥厥風騰趙勢招八州雄吞邊徼其民忠信而質實其俗

強武而桀驁善導則起化鼓鐘猛驅則同仇慰勞耕牧致富疆

山林供聚嘯獷野偪居攘竊劫剽閒廣谷與大川更土風之殊

調御輪或雜乎凶裝

秦俗嫁娶往來白衣冠者甚眾

勢面自同平夷獠

近邊諸郡從幼

自翳其面三花

五花已相誇耀非栝非罽載嗽載咲竝撲甕已取酤各戲簡而

為酌燕會則已糟糲團入甕用湯水漬之其近嬉竹馬於高簷

混鷄犬已競叫

土房板房不一男婦鷄犬通行其上

臨風月之佳辰轉悲思而痛

悼

邊郡凡天中及中秋諸佳節則望遠悲懃當起自征戍之家後遂相沿為俗耳

因山別煥寒視水為

肥磽食懼鮮難戒先貪冒外懲疆事之驛騷內折姦民之橫暴
聖朝安已兼懷富而後教陸海溢花馬之鹽屯田廢丹水之漕
商州丹水
米已通漕奚止都都相屬邑邑相眺國藉十世之基家承百年

之造農服乎田疇士升乎序校袍澤堅小戎之心閭閻諷

天子之詔走萬里不持糧剪不軌無遺噍懷乳有哇哇之童扶

杖集番番之髦簠齋橐負則商旅讓於涂乘堅驅良則男女避

其導言傳號渙所至捷風雷色授意喻三軍咸舞蹈兼之天心

申其景命五穀豐於雨暘窮陰沍寒雪蛆公井之結凝扇之已

和氣天山之雪生蛆
太乙有公井童山涸澤乾溝火谷之焦灼流之已醴漿

及夫喬嶽拱彌河宗瀉潢百靈攸奠罔不降穰有感必應厥類

維彰神人既已和民物既已昌

聖心猶復保之若未視已如傷帑金充溢錫爾輸將何生弗遂

奚利不汪實灌注乎里開監勞頓夫斧斨

是時策安尙未用命大軍供億發帑金億

計未嘗纖豪累民

若臣者寓目於玄灞素漣之境馳驟於炎風朔雪之

鄉聽奇鐘之雄雌

肅州城西北隅救生寺有鐘樓傳此鐘乃沙州所鑄有雄有雌肅州爲雌沙州沙壅者爲

雄野外軍戍常聞此鐘上半月有聲去沙州下半月有聲來肅州

掠神鳥之鵲鵲觀雲海之疊

太白分天嶺觀雲海處

測葱嶺之混茫出人戎落轉側冉駹

親見夫拱手者闔人荒而無閼鑒德者涕橫流而滿眶已縱游

三五之至治非徒牽思古之回腸敢笙簧乎六籍盜先民之祇

稊長侍坐於君子願雅化之宜賜賦旣脫稿并自注合一萬五

千六百四十許字賅治閑浚上揜潘岳交河王侍郎蘭生曰千

餘年來鉅製也祖惠意猶欲然再三更正不輕示人其詩亦各

體穩稱五律尤高渾峭拔逼眞唐音年四十一而僞游已帖括
投徒鄉里潛心理學厭薄詞章先時稿本棄之敝簏與並世名
流絕不通問問並世名流亦鮮或偁道之或曰意有所憊淡自
韜晦也登第後爲四書講義自負理學正宗復不爲時論所重
已故祖惠畢生無詞章名亦無理學名及卒平望賈人子有獲
其賦艸者先君子借觀而善之鈔存一卷其高弟子王元文蒐
輯遺詩獲三秦游艸四卷洞庭游艸一卷拾存艸二卷經進艸
一卷謀付梓不果越六十餘年落破書灘余獲之合編爲虹舟
集九卷世間無第二本終亦必亡欲付梓非力所及姑舍詩爲
之立傳而載其賦傳者傳也余文未必傳卽祖惠之賦仍未必
傳枉費紙墨百於虛天之生才不易人之憐才亦不易自古而

然詎唯祖惠也哉

臧和貴別傳

臧和貴名禮堂以字行江南武進人高祖琳治經精兩漢學卽世所稱玉林先生者也父繼宏有隱德和貴爲人肫摯不苟言笑事親孝臨財廉非其義一介不取居父喪三日不食三年不入內笑不見齒母病割股肉瘳之兄庸博學有聲師事盧學士文昭學士稱庸校書天下第一和貴師事庸庸之楚和貴師事錢官詹大昕業益進所與游皆東南知名士時段大令玉裁丁廣文肅孫觀察星衍皆宿學負重望不輕許可顧交口善和貴名亞庸謂之二臧云阮撫部元爲經籍纂詁聘庸總校和貴與焉後撫部校勘十三經再延和貴以母老辭逾年邢大令澍復

以校經聘留三月遇疾歸疾且革語季弟岷曰柰母何遂死時
嘉慶乙丑歲也年三十無子庸在京師聞而哭之哀私諡之曰
孝節先生和貴善著書慕古孝子孝女孝婦事作孝傳百三十
卷又纂尚書集解案六卷三禮注校字六卷春秋注疏校正六
卷補嚴氏蔚左傳賈服注三卷說文解字經考十三卷南宋石
經考二卷增訂孫氏星衍倉頡篇三卷重編說文繫傳十五卷
通俗文一卷輯臧榮緒晉書二卷鄭氏義門傳志二卷先考遺
事一卷拜經堂書目四卷愛日居筆記六卷

嚴可均曰以和貴之孝行卓卓矣而未永其年惜哉然著述等
身聲施藝苑亦吾黨之榮也彼歿世而名不稱者可勝慨哉

後漢秦嘉妻徐淑傳

孫淵翁爲續古文苑有寡婦淑誓書一首不得時代列入晉文
余攷寡婦淑者秦嘉妻徐淑也嘉字士會後漢桓帝時人官黃
門郎續苑旣刊行不煩改正故作秦嘉妻傳其文字多拾成言
可補范書列女傳之闕

隴西秦嘉妻者同郡徐氏女也名淑有才章適嘉嘉仕郡淑居
下縣有疾嘉舉上計掾將行以車迎淑爲別而與淑書曰不能
養志當給郡使隨俗順時儷俛當去知所苦故爾未有瘳損想
念悵悵勞心無已當涉遠路趨走風塵非志所慕慘慘少樂又
計往還將彌時節念發同怨意有遲遲欲暫相見有所屬託今
遣車往想必自力淑荅書曰知屈珪璋應奉藏使策名王府觀

國之光雖失高素皓然之業亦是仲尼執鞭之操也自初承問
心願東還迫疾惟宜抱歉而已日月已盡行有伴例想嚴莊已
辦發邁在近誰謂宋遠企予望之室邇人遐我勞如何溪谷逶
迤而君是涉高山巖巖而君是越斯亦難矣長路悠悠而君是
踐冰霜慘烈而君是履身非形影何得動而輒俱體非比目何
得同而不離於是詠萱草之喻以消兩家之思割今者之恨以
待將來之歡今適樂土優游京邑觀王都之壯麗察天下之珍
妙得無目玩意移往而不能出耶嘉重報淑書曰車還空反甚
失所望兼敘遠別恨恨之情願有悵然閒得此鏡既明且好形
觀文彩世所希有意甚愛之故以相與

以上嘉與淑書淑答嘉書嘉重報淑書並見藝

文類聚三十二以下據羣書引見彙錄之

并致龍虎組緹履一緉寶釵一雙價值千

金好香四種各一斤素琴一張常所自彈也明鏡可以鑒形寶

釵可以耀首好香可以去穢麝香可以辟惡氣素琴可以娛目

藝文類聚三十二北堂書鈔一百三十六引兩條御覽六
百九十七七百十七七百十八又九百八十一引兩條 淑又

報嘉書曰既惠音令兼賜諸物厚顧殷勤出於非望鏡有文彩

之麗釵有殊異之觀芳香既珍素琴益好
文選嵇康贈秀才惠入軍詩注作又好惠

異物於鄙陋割所珍以相賜非豐恩之厚孰有若斯覽鏡執釵

情想髮鬢操琴詠詩思心成結勅以芳香馥身喻以明鏡鑒形

此言過矣未獲我心也昔詩人有飛蓬之感班婕妤有誰榮之

歎
藝文類聚今君征未旋鏡將何施明鏡鑒形當待君至
御覽七百三十二

十未奉光儀則寶釵不列也未侍幃帳則芳香不發也
藝文類聚三十

二御覽七百十一
八九百八十一今奉越布手巾二枚細布鞵一量嚴器中物幾

具旄牛尾拂一枚可以拂塵垢金錯盃一枚可以盛書水琉璃

盃一枚可以服藥酒

藝文類聚七十三北堂書鈔一百三十六御覽六百九十七七百三十七百十六七百

十七七百六十

嘉遂行入洛尋除黃門郎居數年病卒于津鄉亭初淑

生一女無子及嘉奉使淑乞子而養之尋守寡時猶豐少兄弟將嫁之誓而不許爲書與兄弟曰蓋聞君子導人以德矯俗以禮是以列士有不移之志貞女無迴二之行淑雖婦人竊慕殺身成義死而後已夙遭禍罰喪其所天男弱未冠女幼未笄是以侃俛求生將欲長育二子上承祖宗之嗣下繼祖禰之禮然後覲于黃泉永無慙色仁兄德弟旣不能厲高節於弱志發明明於闇昧許我他人逼我干上乃命官人訟之簡書夫智者不可惡以事仁者不可脅以死晏嬰不以白刃臨頸改正直之詞

梁寡不以毀形之痛忘執節之義高山景行豈不思齊計兄弟

不能匡我以道博我以文雖曰既學吾謂之未也

御覽四百四十一引杜預

女記淑竟毀形不嫁哀慟傷生

劉知幾史通

亡後子還所生朝廷通儒

移其鄉邑錄淑所養子還繼秦氏之祀

通典六十九晉咸和五年散騎侍郎賀喬妻于

氏上表可均按于氏表云還繼秦氏之祀下

淑所著詩文有集

一卷

隋志梁有婦人後漢黃門郎秦嘉妻徐淑集一卷亡唐志不著錄嘉字士會見北堂書鈔原本一百三十六組履注

黃節婦謝氏戴氏傳

建德黃勝友與余善于其病篤也遺命其猶子鶴詩及子鶴秀

曰我母戴我祖母謝皆守節撫孤今我諸黃羣從不墜家聲兩

孺人力也校官嚴君能古文宜請爲家傳以附邑乘越歲二子

以事狀來謁不敢以不文辭節婦謝建德之南鄉人歸同里黃

君延生子禹錫而君延歿謝年十九節婦戴山陰縣之安邑人
歸禹錫爲繼室生子金友義友勝友而禹錫歿戴年二十九當
謝之初寡也上奉寡姑下撫孤兒家赤貧不保旦夕其鄰王文
昌者君延友也初文昌妻與謝同時娠指腹約婚及禹錫生三
歲文昌女亦三歲而謝寡文昌抱其女付謝爲謝摒當外事謝
勤苦善持家漸小康寡姑歿居喪如禮禹錫長合婚如禮生孫
在中年二十一與其母王相繼歿謝爲之續娶卽節婦戴也戴
之歸禹錫也謝年六十四喪孫憂不祀戴聯舉三男門庭喜慶
而禹錫病不起戴寡居勤苦善持家似其姑事姑能先意承志
催耕課讀益大其家謝年八十三而卒戴年七十六而卒三男
皆成立有聲鄉校嘉慶十八年校官錢秉鈞以兩節婦事申請

題旌奉

旨建坊今其後裔無白丁恂恂孝友而王文昌子姓與黃端好
歷數世百餘年如舊焉

嚴可均曰劉向作列女傳史家因之代有撰錄皆取才章名世
奇節非常或乃薄命他離亂亡播越則雖文姬重嫁亦立佳傳
蓋列女不必皆烈女也余以謂女子賢行貞孝節烈四德同科
而節爲大未亡人性命鴻毛耳以是藐茲孤宐延殘喘然而衰
門難振撫孤能成立者百不二三嚮使程嬰杵臼與趙孤同斃
或趙孤先斃後世誰復知之幸而成立是有福命焉於虐難矣
節婦謝節婦戴苦行相繼七十年其後浸昌亦其福命有以回
天也彼無孤可撫撫孤不成立者可勝慨哉

重建湖州永福寺碑

永福寺在湖州城青銅門外之西偏舊名永欣寺宋大觀中崇安薛嗣昌爲鐵門限跋尾云智永禪師寫真草千文江南諸寺各施一本住吳興永欣寺求書者如市所居戶限用鐵葉裹之人謂之鐵門限據此則永欣寺隋以前搆建至宋未改名其以欣爲福不知始何時明季以來爲比丘尼所居破瓦礫垣香火歇絕乾隆五十三年邑子潘加慶等迎浮屠智行住持數載重建大壑塿佛像發願恢闢中涂圓寂其徒鎮興能闡三寶締萬緣遂建大悲閣地藏壁及禪堂方丈外爲山門左右爲樓房南爲萬骨塔院北爲涼亭東爲迎禧橋經營者廿餘載次第落成寺舊多文石邑子陳豐爲召巧工重加黏疊嵌空玲瓏種柏蒔

花可游觀懸坐今鎮興年將老矣而其徒皆守清規傳戒律蔚然爲叢林焉余因思湖郡名僧智永後首數皎然居城南之妙喜寺刺史顏魯公于此修韵海鏡源三百六十卷其書不傳而皎然詩集具存然問所謂妙喜寺者但見荒烟蔓艸焉耳而永福寺去智永一千餘年煥焉復新規模闕敝視妙喜不侔矣微智行與鎮興繼世功行詎能及此彼法有人宜乎興且盛也夫興廢若循環盛衰相倚伏新新不已存乎其人願其徒終勉之益擴而大之也

金培英表墓銘

嘉慶癸亥歲余主講廣東香山縣書院而金君以廣西臨桂縣知縣調任香山明年夏余入都又十二年拜君墓君第四子德恩故余在廣東時學徒也泣然請曰我師知我父稔乞爲墓表不敢以不文辭君名疏奇字培英號問艇又號問庭江蘇上元人祖維桂國子監生父又聲貢生君年十八爲縣學生旋食餽乾隆己酉歲拔貢

廷試第一以知縣試用分發廣西到省七日權知河池州所屬南丹土州多積案君一日決獄三十老吏驚爲神又權宜山平南等縣又權陸川縣兼知鬱林州丁母憂奔喪過長沙值苗民亂大將軍福公康安留佐軍務服闋權湖南清泉縣苗平保舉

直隸州知州格于部議仍還廣西權興安縣修築垺河閘門又
權知賓州題補臨桂縣知縣縣民廖祖恩叔毆其父幾斃祖恩
救之誤傷叔前知縣擬以大辟君引救父情切例得從輕百總
曾勝邦外委王錫從軍湖北病亟告歸鎮將欲治以逃兵律君
雪其冤得免尋調知廣東香山縣縣瀕海巨盜充斥君募壯丁
增巡船偵其巢穴多所捕獲楊蒙九者盜魁也生擒之及其黨
百餘人百總羅明亮素通盜白大吏誅之縣境獲安會廣西武
緣案重平反承審者按察使及君等五人皆譴戍伊犁伊犁將
軍今大學士松公筠夙知君能奏辦塔爾巴哈台漢文事件又
以塔台倉廩未修奏請監之成滿釋還籍而松公遷督江南請
掌書記尋移督兩廣君偕行逾嶺不三月病卒時嘉慶辛未歲

六月十九日也春秋六十有一明年歸葬江寧太平門外祖塋
之東偏娶王氏續娶蔣氏吳氏子五德忻廣東新會縣丞德桂
德森德恩縣學生德寧尙幼孫六之豫之泰之外之晉之恒之
履君面紫黑體肥善爲駢儷文書法在顏趙間薄以自奉厚以
及物視從子如己子宗族親戚交游待以舉火者甚多居恒無
厲色無惰容嘗誡其子德忻曰居一日官盡一日心勿以官卑
而弛其心勿以盡心而矜其功於厚君之居官可知矣銘曰
君才之豐何遇之窮名萬里而綰綬半通或其食報也于其
子孫不于其躬

猪九世無子三子のうちのみ

鐵橋漫稿七

文類五

四錄堂類集

鐵橋漫稿八

文類六

四錄堂類集

烏程嚴可均景文謨

書尙書顧命後

嘉慶戊寅金陵倪秀才灝字小迂得古兵器似戈而重大倍之無胡有穿孔下上通所以入柄穿外有文曰𠂇轉而曰𠂇皆象形目字小迂問此兵器何名余不能對沈思之曉然悟曰兩目合文爲眊此顧命下篇所云一人冕執瞿者也瞿卽眊之假借正義引鄭注云蓋今三鋒矛蓋者疑詞非由目驗瞿戈屬非矛屬戈平頭戟也戟有枝兵也瞿平頭而孔傳以爲戟屬亦非也

書公羊疏後

公羊疏無誤人名崇文總目或云徐彥郡齋讀書志引李獻民

說同不知何據卽徐彥亦不知何代人東晉有徐彥與徐眾同
時見通典九十五又九十九有武昌太守徐彥與征西桓溫
而疏中引及劉宋庾蔚之則非東晉人今世皆云唐徐彥尤無
所據蓋涉徐彥伯而訛耳疏先設問答與蔡邕月令章句相似
唐疏無此體例所引書百三十許種最晚者郭璞庾蔚之餘皆
先秦漢魏開卷疏司空掾云若今三府掾是也齊梁陳隋唐無
此官制惟北齊有之則此疏北齊人譔也隋志有失名疏十二
卷唐不著錄北宋復出以卷太大分爲三十卷又分爲二十八
卷卽今本也

書爾雅新義後

爾雅新義二十卷宋陸佃農師譔農師有陶山集詩文及格鵠

冠子注亦簡貴唯引字解二而小者示也可嗤埤雅駁雜尙堪
節取獨爾雅新義率本字說再加穿鑿幻境重重至不可思議
陳振孫詆爲翫物喪志余謂五行志有詩妖新義蓋經妖也其
書玉海引中興書目元修宋藝文志明焦竑集盛皆著錄後乃
若存若亡乾隆五十年吾鄉丁小山得影宋本于京師是時
四庫館告竣不復收錄然亦不當收錄孫詒穀攜歸武林落吳
山書肆嘉慶十三年陸香圃刻板于蕭山至道光九年以印本
見詒搖筆書後香圃見之將怒我矣

書史記伯夷列傳後

許由事見莊子讓王篇史遷以夷齊讓國故追述之而虞夏書
無文在疑信間迂齋說申呂齊許皆四岳後堯讓許由卽其一

也汝能庸命是讓許由之實其說甚精可補今文古文家所未及采薇歌怨歌也而孔子云求仁得仁又何怨又云不念舊惡怨是用希求仁得仁者史遷以爲各從其志是也希之言少每念及此不無餘怨怨亦幾希孔子推見至隱爲此微言近釋乃云人亦不甚怨之人孰怨夷齊哉

書史記仲尼弟子列傳後

孔子弟子七十七人冉氏居其五冉耕字伯牛冉雍字仲弓家語以仲弓爲伯牛之宗族史遷爲弟子傳于父子宗族不著明如曾蒧不云曾參父其例也按論衡自紀篇鯀惡禹聖叟頑舜神伯牛寢疾仲弓潔全顏路庸固回傑超倫如仲任說則伯牛仲弓父子也論衡非短書嚮未舉出

書漢書律歷志後

孟堅因父業爲漢書而八表及天文志未就孝和詔其女弟班昭踵成之見列女傳孝順時馬續又續修見表宏紀經數賢撰定遂爲史學之宗其十志自天文外皆孟堅作也地理精賅振古罕儔禮樂刑法亞焉五行用劉向洪範傳甄文用劉歆七略而食貨郊祀溝洫順續史記史記律書卽兵書兼及于歷故次之以歷書孟堅爲律歷志舍兵而專言鍾律猶之可也專用劉歆之三統歷譜以當太初殆非實錄漢興承秦建亥用秦顓頊歷百有二年孝武改朔建寅鄧平司馬遷唐都落下閎等造太初歷煌煌鉅典順孔聖承天之文爲萬世則而行僅百餘年莽移漢祚改用三統十許年而莽誅史法于秦顓頊故術略宜編

次至鄧平術臚列周詳未及三統庶爲信史而孟堅末殺續項
術并未殺鄧平術專取三統以充篇是直莽歷志豈漢歷志哉
然且刪節孝武改元詔追改太初歲名與元法復不明著沿革
之由以疑誤後世致令通人如蔡邕亦言太初元用丁丑司馬
彪爲續漢志亦言太初元年始用三統歷移後蒙前而史記歷
書歷術甲子篇到今嘉慶四年而長夜始旦也此烏得不追咎
孟堅哉夫孟堅良史才至矣盡矣蔑以加矣而歷志殆非實錄
所宜愛而知其惡也若夫古以太陰紀年莽用三統始以太歲
紀年余旣爲太初元年甲寅丙子說詳哉乎其言之矣茲不復
贅

前明張佳胤等刻華陽國志皆十卷余所見僅季滄葦照寫宋李至本多出第十之上中兩卷本今歸孫淵如嘉慶甲戌歲廖都轉刻之于金陵字畫精好宛然宋雕其上卷蜀郡士女讚第一後闕巴郡士女讚第二凡五十四人尙非完書其北宋呂大防本未得見之闕否不可知北堂書鈔原本卷百三十九車終載篇引常璩志云郝伯都閬中人爲郡史太守每見之垂泣伯都請白其故太守曰亡男爲人所殺汝身似之故悲感伯都問其讎所在太守曰臺閣不可得也伯都乃交游與甘春卿爲友其伺讎殺之於車府而亡命春卿爲吏所得伯都乃還首二人爭死會赦得免按此卽五十四人之一士女目錄有烈士郝伯都閬中人也九字以爲後漢人嚴可均書于台城山館

書左思別傳後

世說文學篇注載左思別傳曰思字太冲齊國臨淄人父雍起於筆札多所掌練爲殿中侍御史思蚤喪母雍憐之不甚教其書學及長博覽名文遍閱百家司空張華辟爲祭酒賈謐舉爲祕書郎謐誅歸鄉里思著述齊王冏請爲記室參軍不起時爲三都賦未成也後數年疾終其三都賦改定至終乃上初作蜀都賦云金馬電發於高岡碧雞振羽而云披鬼彈飛丸以礮礲火井騰光以赫曦今无鬼彈故其賦往往不同思爲人无吏幹而有文才又頗以椒房自矜齊人不重也思造張載問幘蜀事交接亦疎皇甫謐西州高士摯仲治宿儒知名非思倫匹劉淵林衛伯輿竝蚤終皆不爲思賦序注也凡諸注解皆思自爲

欲重其文故假時人名姓也

可均按別傳失實當以晉書爲正思先造齊都賦成復欲賦三都泰始八年妹芳爲修儀因移家京師求爲祕書郎歷咸寧至太康初三都賦成晉書所謂構思十年者也皇甫謐卒于太康三年而爲賦敘是賦成必在三年已前其後三十餘年屢經刪改至死乃已張載于太康三年始爲著作佐郎思訪嶠蜀事遂刪鬼彈飛丸之語可因別傳推得之然必在賦成後也張華仕魏入晉至惠帝元康六年拜司空思爲司空祭酒容或有之然宜云遷云除何以云辟賈謐本姓韓太康三年爲賈充世孫至惠帝時用事思先爲祕書郎久矣何以云舉且不應十七八年未調蓋先嘗去官亦可因別傳推得之餘則別傳殊失實永康

元年賈謐誅思蓋坐謐黨復去官至太安永興間張方亂京師
舉家適冀州數歲以疾終思實避亂客死而云謐誅歸鄉里非
也皇甫謐高名得其敘謦價十倍摯虞師事皇甫與思同在賈
謐二十四友中何得非思倫匹劉逵元康中尚書郎累遷至侍
中衛權衛貴妃兄子元康初尚書郎兩人卽蚤終何不可爲思
賦敘注況劉衛後進名出皇甫下遠甚何必假其名姓今皇甫
敘劉注蜀吳與張載注魏都俱在文選劉敘衛敘在晉書都非
苟作魏志衛臻傳注云權作思賦敘及注敘粗有文詞至於爲
注了無所發明直爲塵穢紙墨不合傳寫如裴此說權貴游好
名敘不嫌空疎躋於爲注使思自爲何至塵穢紙墨別傳道聽
塗說無足爲憑晉書彙十人家舊書兼取小說獨棄思別傳不

采斯史識也

書宋本後周書後

右周書蓋宋監本大板厚紙有漫漶損缺處非余所愛重者偶檢賀蘭祥傳其篇末多出今本六十餘字杜杲傳遷溫州下缺八字今本僅刺史賜三字史賜中間蓋有加銜以難臆補輒擠接之全部余未通檢僅檢兩傳而勝處已如此書貴宋元本者非但古色古香閱之爽心豁目也即使爛壞不全魯魚彌望亦仍有絕佳處略讀始能知之道光戊子歲秋八月嚴可均書于武林憊屋

書管子後

七略管子在法家引見史記管晏傳正義隋唐志已下著錄皆

同惟漢志在道家余觀內業篇蓋參同契所自出實是道家餘篇則儒家陰陽家法家名家農家兵家無所不賅今若改入雜家尙爲允當不然寧從漢志其書八十六篇至梁隋時亡謀失正言封禪言昭修身問霸牧民解問乘馬輕重丙輕重庚十篇宋時又亡王言篇文選陸機猛虎行注引江邃文釋云管子曰夫士懷耿介之心不蔭惡木之枝惡木尙能恥之況與惡人同處是江邃在劉宋時尙見亡篇今不但無完書并無舊刻間收藏家有宋蔡潛道殘本未得見之更可惜者明刻道藏原出宋藏往往有與道家無涉而收入道藏因之得存舊本管子可入道家道藏失收遂無藏本前人于漢志豈未寓目者何乃漏落至近人編書目者謂此書多言管子後事蓋後人附益者多

不謂然先秦諸子皆門弟子或賓客或子孫撰定不必手著嘉慶辛酉歲季冬之月嚴可均書于易程之驥林僦廬

書說苑後

漢志說苑二十篇隋志新唐志皆二十卷舊唐志作三十卷誤崇文總目五卷宋志已來皆二十卷盧抱經羣書拾補所載宋本有劉向敘一首余得元本楚藩本程榮本何良俊本無之向敘言凡二十篇七百八十四章今本君道三十八章臣術二十二章建本二十七章立節二十一章貴德二十八章復恩二十四章政理四十一章尊賢三十四章正諫二十五章敬慎三十四章善說二十四章奉使十九章權謀四十四章至公二十一章指武二十五章叢談七十二章雜言五十二章辨物三十一章

修文三十八章反質二十三章凡六百三十九章羣書拾補有
佚文二十四事當是二十四章都計六百六十三章視向敘少
一百二十一章非完書也向所類事與左傳及諸子間或時代
抵牾或一事而兩說三說兼存韓非子亦如此良由所見異詞
所聞異詞所傳聞異詞不必同李斯之法別黑白而定一尊淺
學之徒少所見多所怪謂某事與某書違異某人與某人不相
值生二千載後而欲畫一二千載以前之人之事甚非多聞闕
疑之意善讀書者豈宜然乎此本楊澐校刻楊澐明季人而有
方孝孺王世貞印記書賈作偽宜刊棄之道光戊子歲秋九月
嚴可均書于富春之雙桂坊館舍

書劉子後

劉子五十五篇北齊劉晝撰余嚮得程榮孫鑛等本間有宋巾
箱本未之見也今得此于吳山書肆是明初崇德書院所刊行
墨陳古閱之豁目爽心可稱善本前有序簡而覈惜不題名劉
子言治國修身之道有大醇無小疵晁公武乃云詞頗俗薄毋
乃輕詆近人編書目者又云九流一篇全襲隋書經籍志之文
隋書非僻書益覆檢之豈其然乎道光戊子歲八月朔嚴可均
書于錢塘寓館

書陳禹謨刻本北堂書鈔後

世咸謂明中葉後刻書無善本是固然矣然未有肆行竄亂若
陳刻書鈔之甚者也書鈔北宋時得本已難明代偶存胥鈔本
訛謬脫落篇鈔完章章鈔完句然而甚誤之中往往有絕佳處

所鈔之書皆三代漢魏迄于宋齊其最晚者沈約宋書蕭方等三十國春秋崔鴻十六國春秋魏收後魏書其詩賦頌則顏謝鮑爲最晚陳隋隻字不鈔鈔者今世亡其本十蓋八九其存者亦流俗寫變殘闕誤謬不爲典要故刻書鈔可略校不能統校陳乃何人臆改之臆刪之以他書易之甚且以貞觀後事及五代十國之書補之是戒易之疾亟當沐以蘭湯者也又有甚不可解者卷百三十九車終載類原本二百四十條陳僅用十七條卷百五十八穴類原本二百三十條陳僅用四十二條卷百六十石類原本百二十九條陳僅用三十三條竊疑陳所據原本視余所據原本闕訛尤甚不然陳雖失心病狂當不至此今陳刻亦漸稀罕收藏家率購以多金備四大類書之數余嘗任

校刊之役未獲竣功恐原本終將斷種可惜也陳名禹謨字錫
玄號抱中嘗熟人嘉慶乙亥歲冬十月嚴可均書于冶城山館
書北堂書鈔原本後

右北堂書鈔一百六十卷明初寫本未經陳禹謨改竄道光五
年三月錢唐朱竹庵世杰以重價購得之至九年七月三日竹
庵以余嘗留意于此書也者遣書估持贈余與竹庵非素交不
可徒受也償以原值類書大種自修文殿御覽新佚後以書鈔
爲最古其得本最難王伯厚云二館舊闕書鈔惟趙安仁家有
本眞宗命內侍取之手詔褒美是北宋已極罕觀明中葉時常
熟陳莊靖瓚得胥鈔本其裔禹謨改補梓行明人習氣好作聰
明變亂舊章是謂刻書而書亡康熙中錢遵王得本有跋謂繕

寫精妙見讀書敏求記朱錫鬯得大唐類要有跋見曝書亭集
季滄葦得古唐類範見延令書目嘉慶初古唐類範爲吳縣黃
蕘圃所得散片兩包未曾裝冊余屢借觀卷首有季振宜印首
尾有秀水朱氏潛采堂印每卷古唐類範四字俱挖補蓋類範
卽類要類要卽書鈔書估作僞實是書鈔原本也今蕘圃藏書
半歸汪厚齋汪卽益美布商類範歸汪與否余未知之陽湖孫
淵如得書鈔卷首有雲章閣及紉佩齋收藏印不知何許人也
淵如作跋尾別紙夾置卷首其書中用丹筆改字者王石華也
卷首用墨筆錄錫鬯類要跋者亦石華也書中校語用墨筆者
余與洪筠軒也已巳春吳山尊去官南下見是書求得副本余
時寓淵如所倩二十人竭二十日力照寫付之聊且竣事錯誤

增多道光乙酉春常熟張月霄得本甲乙至壬癸十鉅冊余未見之錢唐汪小米得本余亦未見今余得竹庵藏本其卷七有丹筆采余校語一條余校語在淵如藏本竹庵何因得見淵如棄世金陵祠屋藏書間頗散失蓋其本展轉入錢唐矣欲訪竹庵問之然亦何必問之淵如嘗語余云物聚必散得古書畫不過加收藏名印耳此達觀之言也統計千年來書鈔在若存若亡之際就余間見江浙間實有五本藝圃一淵如一月霄一小米一余一後之有心人據余言而蒐訪之不至斷種書鈔誤于隋時故隋志已著錄作一百七十四卷唐志作一百七十三卷晁公武讀書志同中興書目及宋志並一百六十卷與今本同蓋殘闕矣今本起帝王部帝王總載類迄地部石類凡十九部

八百五十二類而公武云八十部八百一類又云家本百二十
卷抵牾如此因知宋世絕無善本故未能刻板以至前明偶存
寫本刪割屢遞脫謬俱倒篇抄完章章抄完句世間難校之書
此爲第一嘉慶中淵如約王伯申略校伯申約錢旣勤同校僅
三十許葉而輟業胡硯農助刻貲二百金云將續寄四百金淵
如屬余校刻余竭八九月之力校刻卷百三十二起至卷百六
十止硯農刻貲杳不續寄余遂輟業是時漢魏晉佚書輯本及
章鳳枝佚書輯本彙聚淵如所者不下七八百種假余兩年之
力庶可藏事而限于齋斧未獲竣功今余老且病諸輯本皆不
在手難復爲力雖得竹庵藏本徒度高閣飽蠹魚耳沈思往事
爲之太息鐵橋散人嚴可均書于武林之廣潤寺時得此本之

三日也

此本目錄前有宋湘芷灣名號兩印卷百六十尾有宋湘印芷灣嘉應州人嘉慶己未進士卒官郡守癸亥春與余遇于廣州不知何處何時得此本而復失之展轉至常熟落書估顧榮昌手而售于竹庵以歸于余二三十年間三易主矣余書屢聚屢散每冊鈐余名印後之視余猶余之視芷灣也可均又書

是年九月余在睦州有武林書估以書鈔新寫本來求售者閱之字畫端正誤處皆空白是慣家鈔本也其卷七亦采余校語益知淵如藏本必在錢唐因問云此新寫本出誰家也書估荅甚支梧越五年余復寓廣潤寺書估始吐其實淵如藏本早爲何荔華元錫得來荔華棄世其子貧困去冬以售于秀水令陳

振之振之閩人罷官本今入閩其新寫本亦翦華家鈔也先售去道光十四年六月九日可均又書

書汪小米所藏北堂書鈔原本後

余間小米得原本書鈔八九年矣今夏六月十三日始索觀之紙潔字工有朱竹垞印蓋曝書亭藏本後爲錢遵王所得者也讀書敏求記云間嘉禾收藏家有原書蒐訪十餘年而始得繕寫精妙繙閱之心目朗然所謂嘉禾收藏家者卽曝書亭也江浙有書鈔原本五余見其四繕寫精妙獨此本耳故知卽遵王所得也曝書亭集有大唐類要跋其本收藏未久落書賈手改爲古唐類範售于季滄葦嘉慶初黃蕘圃得之余屢借觀每卷古唐類範四字俱挖補因疑先爲大唐類要亦是挖補其本胥

鈔不及此精善道光甲午歲季夏可均

書初學記校宋本後

新唐志初學記三十卷張說類集要事以教諸王徐堅輩述余
欽施敬本張烜李銳孫季良等分撰今世行本僅明安國民泰
所校刊者爲稍舊安國得宋板大字本多闕筆倚館客郭禾采
他書補足而通部亦改竄刪補非宋舊也其陳大科徐守銘等
本皆祖安國復加改竄別有古香齋巾箱本未知所祖乾隆末
有書賈以黑口小字本求售者蓋元板也嫌稍漫漶索值過多
還之旣而悔之不能復得嘉慶初王蘭泉少寇得宋板大字本
丙寅春孫淵翁借得之以示余余案頭有徐本取與對勘開卷
見劉序刊名度數宋本刊作形形名猶言名物改便失之因竭

四十日力得互異字案萬用丹筆悉注于徐本之旁宋有而徐無者注于上方宋無而徐有者フ之卷十七宋闕第二十策驗行數字數知安國所據本不闕卷二十五二十六二十八二十九三十凡二十二策宋與徐絕異皆安國所據本之闕策而郭禾補足者也不能對勘別寫之夾置之各卷中審知此書自唐開元而北宋展轉胥鈔到紹興四年始鐫板勝處固多誤亦無算然往往卽誤處可得勝處故宋本可寶也且安國前乎余三百餘年僅見殘本余得見完本尤快事也淵翁勸余審定乃取校本常置案頭漸加決擇十得二三至乙亥夏始以淨徐本錄取其長仍其疑似若譌謬灼然者置不復載宋本之善不盡此而盡於此嘉慶二十年七月五日嚴可均書於冶城山館

書明刻本太平御覽後

御覽一千卷今世通行僅明黃正色刊本脫誤俱倒據用甚難
明活字本亦如此余偶至丁秋水京寓語次以所引御覽數十
事商定誤字慨然歎曰吳門朱丈文游藏宋刻本三百六十六
卷久欲就校蹉跎到今遠隔三千里此未了事也同寓有張上
舍者張天如先生曾孫也語余曰先高祖有宋刻本御覽千卷
先曾祖分授二女作嫁裝各得五百卷今但問陸願吾可以就
校願吾卽先祖姑之孫余狂喜請問願吾里居上舍手書片紙
云願吾者陸時化字潤之號聽松之子住太倉州西門內大橋
東石皮衙口路北余問所未聞歸寓而書之御覽後時嘉慶己
未歲十月二日也

書經典集林後

經典集林三十二卷臨海洪頤煊校輯末卷爲總目云臨海記
史志俱不著錄未詳撰人名氏余按北堂書鈔一百五十八引
孫詵臨海記南史王巨源傳孫詵字休羣太原中都人別有沈
瑩臨海水土物志見隋唐志史通非卽此又總目白澤圖引抱
樸子內篇登涉余按吳志諸葛恪云此事在白澤圖出抱樸子
前聞此書旣刻板于廣州未及寄語也頤煊號筠軒浙士之善
讀書者

書顏魯公文集後

顏魯公集原本四種各十卷久佚館閣書目云嘉祐中宋敏求
輯其刻於金石者爲十五卷劉原父序云吳興沈侯輯爲十五

卷東嘉守留元剛序云原父所序卽敏求輯其刻於金石者如
留此說宋沈止是一本然留刻本僅十二卷缺三卷無和政公
主碑至顏夫人碑十首而有補遺及年誼行狀則又宋沈所無
者此北宋兩本之不同也舊皆以詩居首至南宋復有東嘉守
某兼據宋沈本留本改編重刻先奏議次表次碑銘次書序與
記之類以詩終焉補遺散入各類卷仍十五而年誼碑狀列傳
附於後此南宋本又與北宋不同也後皆不傳明嘉靖中錫山
安國民泰得舊寫本刻之萬厯中顏肩祚又以家藏舊寫本刻
之其後顏崇桀復據安國本重刻之其源皆出於留本無和政
公主等十碑而展十二卷爲十五卷以奏議居首以詩終蓋就
南宋本改編而書帖居末又與南宋不同永樂大典所載蓋宋

沈或南宋本也諸缺碑在焉既編入全唐文又四庫書簡目
錄云據石刻增尉遲迥等八碑據說部增和政公主等三碑諸
文余未鈔得而碑石之見存者余收精拓本最備又從唐人說
部鈔出奏停千秋節辜涉謚忠孝駁議等篇異日重編庶更完
善魯公節義如日星河嶽爲唐代第一流所不待言言文集之
源委異同焉道光八年中秋後一日得顏肩祚本於吳山寓賞
樓搖筆書後

書今中鐘後

右今中鐘嘉慶乙亥歲江寧城外新出土售之銅作坊秤之重
五十六斤八兩斤直銀一錢六分先槌落鐘縣重四斤鎔得銅
二斤八兩將短其直勃谿督徹鄰右余友倪秀才灝聞之亟滿

其直得之後三日余走訪倪索觀之手拓其銘凡二十七字其
十八字在鉦間九字在鑠右文曰兮中乍大林鼈其用追孝于
皇考己白用侃喜前文人子孫永寶用言其篆體是春秋前物
兮中卽義仲己白卽紀伯春秋有紀伯季則此鐘紀國所鑄傳
記無紀義仲余所見兮中簠文曰兮中乍寶殷其萬年孫孫永
寶用卽其人也先是京師有號叔大林鼈鐘索直過多積年無
售主後歸阮雲臺撫部而陳受笙孝廉亦得號叔鐘于秦中後
歸伊墨卿太守又吳山尊學士亦得號叔鐘後歸孫淵如大參
三鐘銘皆八十七字唯伊太守所藏形制略小字畫亦略細今
此兮中鐘輕重大小與伊太守所藏相等孫大參據號叔三鐘
皆作大林鼈鐘因釋此銘鼈字爲和鐘二字合文余不謂然鐘

從重聲重從辛重省聲重從王東聲今此𡗗字偏旁上從音卽
辛字下從重不省說文重籀文作𡗗或卽此也籀文從廿與此
𡗗相當中間千形乃王木二字之上體與和無涉余又見宗周
鐘文曰乍宗周寶𡗗直從東聲古籀偏旁唯變所適讀說文而
會通之可識六書之義矣質之孫大參以余言爲然遂書之於
銘文後乙亥九月十八日

書秦泰山刻石殘碑後

秦泰山刻石前明廬存廿九字在玉女池旁宏治中按察使僉
事灤河許莊移置池上公所雍乾間公所傾圮石亡嘉慶廿一
年泰安縣知縣蒔因培字伯生潛池得殘石二枚凡十字嵌之
石壁與唐紀太山銘附近且築亭于翫搨二紙寄余視舊搨少

十九字至寶失而復得快甚先八年余在江寧得家侍讀長明
字道甫所藏舊捐瘞爲一軸懸之寓舍署曰斯翁墨寶齋今又
得殘石本爲浮一大白舊說皆云萬歷中從玉女池移置碧霞
元君廟乾隆五年廟災石燬于火若然池去廟遠不應殘石出
池中舊說非其實也世間秦篆若繹山會稽皆展轉臨摩唯琅
邪臺及此十字爲真蹟伯生之功爲何如耶是年秋七月十日
書于孫氏之冶城山館

書伍詒堂所藏西嶽華山廟碑後

漢西嶽華山廟碑前明嘉隆間石毀所傳舊拓本最顯者有三
其一長垣王文蓀本後歸宋漫堂撫部又歸陳伯恭宗丞今歸
成邸其二鄞縣豐道生本後歸天一閣范氏今歸錢竹汀宮詹

又歸阮雲臺撫部已上二本余皆有跋尾編入鐵橋金石跋中
其三趙子嶠所見東華商本後歸華陰王無異今歸朱竹君學
士其本余未見之間凍拓有墨暈就三本中長垣本最先拓最
瘦無泐缺而鄞縣本稍肥前六七行泐缺百餘字愛是整紙未
經割裱額左右唐宋人題名全備余在撫部京寓借觀此二本
坐臥相對皆七八日各雙鉤一再過其模糊泐缺處余皆能記
憶之其重摹者有姜任修本已慰祖本曲阜孔氏本大興翁氏
本琉璃廠本阮撫部本孫大參本余皆收得之當前明嘉隆前
碑石尙存安知舊拓無數十百本今流傳日少而其沈埋故紙
堆中者往往有之特難得耳而收藏家堅執成見必謂舊拓僅
存三本是不許嘉隆以前拓第四本也余未敢傅和也去冬余

在姑蘇曾見靈按察藏本云得于秦中墨色稍淡其模糊泐缺處如輕雲籠月神骨具存斷屬舊拓本今江寧友人伍詒堂又得馬氏玲瓏山館本手揚州較鄞縣本所缺百餘字此皆不缺惟裱工庸下割紙挺刷視長垣本稍肥而紙墨極舊其模糊泐缺處亦如輕雲籠月神骨具存斷屬舊拓本惜失去仲宗之世云云一策及遂荒華陽云云一策共九十六字又唐宋人題名盡皆割棄爲非全璧要無害乎其爲至寶也又原碑隱隱有棋局界畫重摹本皆無而此本有之亦舊拓之徵嘉慶甲戌冬借詒堂本審觀乙亥冬又借觀搖筆書後

書王尚書殿試卷後

餘姚王海日尚書華新建伯守仁之父也成化辛丑對策第一

其卷貯內閣大庫明鼎革後散落人間展轉歸陳待軒近歸陸香圃香圃索爲題識因得敬讀再三所言政治之名實體用漢唐宋之得失瞭如指掌知新建學問事功其來有自尙書事蹟明史在新建傳卷式視今策廣一寸弱高一寸強通卷字數多今策三之一得宋策之半弱每行卅字其提行高寫頂格者行卅二字脫落字得添注祖宗高二格我朝之我大有爲之君之大大對之大俱高一格前明功令難爲典要亦足備掌故于時道光九年龍集己丑六月朔後學嚴可均敬書

書葛香士林屋藏書圖後

葛香士居林屋之山鑿壁爲架以藏古書我鄉張氏鑑爲作圖且爲文以記之余未識香士面而神交有年張氏則余舊交也

林屋有靈寶石函神禹所發故其民風往往能聚書前明如葛氏一龍蔡氏羽其尤著也顧其書目不傳香士爲葛氏一龍族孫能承先志益張大之可謂賢矣旣編有書目余未之見見其圖爲神往者久之余稍有譌述而家貧不能多聚書願自周秦漢以逮北宋苟爲譌述之所必需亦略皆有之南宋已下寥寥焉非不欲也力不足也四十年來南游嶺海北出塞垣遇希有之本必倩精寫或可售卽典衣不吝今插架僅二萬許卷不全不備以檢近代諸家書目如世善堂天一閣萬卷樓世學樓傳是樓曝書亭及同時同好如魯孔氏閩張氏漢陽葉氏陽湖孫氏續溪方氏以至石刻之本異國之本道釋之藏彼有而余無者多矣彼無而余有者亦不少也然彼所有皆余曾略觀者也

惟陽曲傅氏言謝承後漢書永樂中有刻本見困學紀聞閻氏
注邢氏澍爲余言漢中張姓有修文殿御覽傅氏邢氏非謾言
者余將老矣不無相望黃氏丕烈聚書多宋本余與久交不敢
效之書非骨董未得宋本得校宋本足供余之譌述可耳乾隆
中舊版書易購余隨得隨散存者僅千餘卷嘉慶中士大夫漸
次

進呈

皇上不峻拒僅數年海內翕然視舊版書爲奇貨余寒士也詎
有餘力居此奇貨哉顧嘗持論幸生

右文之世道一風同之會挾數囊金購書蘇杭市不半年可致
幾萬卷此有力者常事亦何足以自豪當視

四庫所未著錄阮氏所未續

進幸而得之廣爲流布區區此願鄴然大公耳今檢架上得天
聖閒李季所編乾象通鑑百卷等大小八種皆寫本世上絕無
僅有者香士好事倘亦得古書與余所藏有鐫兩相稱者請走
使來告互相借鈔則藝林勝事也不然家有敝帚享之千金將
恐龍威笑人

稿八凡十九集皆分年之序

鐵橋漫稿八

文類六

四錄堂類集